

平湖縣志人物傳目錄

列傳四

尙義

陸宗秀

孫佐

鍾鳴遠

潘璧

陸平

江濟

屠機

陸珪

俞錦

張濤

曹臬

韓文

陸序

馬瑀

陸垕

陸基誠

沈維錡

陸瑞銓

倪虬

邵言

張沖元

子長
生附

曹鐘鳴

劉維恆

陸淪原

陸之瀚

李慶乙

倪鍾瑞

許默

楊林

張崢

屈天成

沈瑜

朱錫
周維瀚

平湖縣志

卷十八

人物
列傳四目錄

一

均過鰲
附

張逢年

韓廷芳

馮朝棟

張誠

黃鳳

盛瀚文

子炯
附

陳佩蓮

胡良佐

弟良
俊附

隱逸

沈維鏞

陸光宙

子鏞
公附

李天植

子觀
嗣子耀從
為光均附

馬嘉楨

弟嘉
相附

過銘篋

子澤
廣附

楊九垓

沈岸登

楊之醕

朱鍾

行詣

沈渭

馬昇

周衢

俞瓊

沈樟

趙彰

沈溱

楊陞

陸宓

孫璧

林雨

子楚
附

馬汝賢

姪孫
附啓

沈宏光子嘉附懋 馬萬方 馬千里 沈維鈞子範附民

陸珂子典附文 陸光宅 劉麟 胡濂子忠附友

馬炯 過厚 姚應竣子舜均附孫

鮑應選子元均附之高 懷所學 俞志臯

陸橋 陸從誥 陸廷揚 陳增

陸大柱 張熒孫明昌復 沈維鏡

時敏 馮伯禮 劉希聖弟賢附希 施應墳

曹大有 陸長春 陸啓鱗曾孫凌 陸文相

馬香 陸萬達弟萬 陸燭 馬維鉉子澍附德

郭日乾 陸懋學 倪承裕子元附秉 倪維城

陸大銳弟大 趙科 曹繹祖子元附案均附

平湖縣志 卷十八 人物 列傳四目錄 一一

俞文溢 陸溶原 過銘盤 沈瑞鑿子浹附原

馬文治 俞煜 楊兆梧 倪士顯

沈紹閻 胡嗣璜子偉 劉亮采 金台拱

薛仲猷 沈日晃子麟 陸標錫 張甫子治附兆

陸本子曜附光 施傑子義附大 嚴峕 張著子鼎附周

朱國孝 金煜 胡右寅 陸瀟原子吉附輝

張孚吉 陸濬原 陸深原 陸若采

沈中琛 施湛 金璞玉 金尚源

周心峻 沈中秀 王應中 吳光室

顧祖履 朱鏐子汝均附謚孫 倪象鴻附陸禾

顧天健 陸徵誠 顧明傑 沈日芳

邵朗 金京望 盧聖瞻子附錫 楊聲佩子附益齡

馮文麟子元白孫 王允猷 顧人龍子附涵

陸若禾 曹鳴灼孫附煥 王子馨 沈嶠

吳光遠弟附廷 何元璜 鮑文揮子懋昂均附懋暹

程伯鑄 屈希完子朝陞均附孫 陸其燧子附鳳

倪兆嘉子載均附光用 馮洪復附姪願 馮洪行

顧蛟 周日芳 陶有生附子傑 馮耀暘

戈定 孫培嘉 趙廷棻 趙廷驥

馮煇 陸斌 馬嘉棟 盧開顯

陸士煊 馬金章附弟璠 徐銘子附宗 馬燦曾子附佐

倪亮采子廷均附鳳孫 曹與枚 李登弟雲裁均瑤枝

平湖縣志

卷十八

人物 列傳四目錄

附 倪喆林 張長明 陸熾昌

陸世琪子德文元附從子 陸秉琰 林朝珪

陸名世子正均附瑩孫附養 馮壇 楊豫源弟姪敬直源

附均 沈源湟子梅附嘉 陸大復子三均附銘一銘

陸王孫 王堂子鳳鳴均附族 張漢年

屠肇臨 馬煊曾堂子附邃 楊九雲 朱濛

徐鈺 楊紹裘子附楷 顧遐齡子附兆 屠楷

孫文海 倪淳 陳統源 孫均

周理 陳永祺 沈昌祚 沈黼熊弟附敏

孫從謙 馬拱垣 沈修齡 陸其暉

褚王庭子如均附 徐凝子附法 朱兆鵬子附堯

馮堪子鏞附

屈大成

沈發

馬鏗弟鏞附

陸載周

沈鼎

張應壽

沈壘弟廣附

陸鏞

沈廷牧

周璣

倪觀光

陳鼎鎔族弟銘附

賈三登

翁維正

鄭時乘

何大齡子異庭均附

陳嘉績

胡沆

金昌緒

丁廷鑒

楊萬基

鮑振宗

黃密

潘宗敬

劉遐齡

張廷誦子宗濂師附

附

何廷鏞

屈維銘

施燦

孫國柱

孫栢曾

胡大業子光附

潘正宏

許泳

馮雲達

鄭泗裁

陳大來

沈鴻達

費振麟

張可大

錢大登

平湖縣志

卷十八

人物列傳四目錄

四

戈宏地

戈守義

許焜子昌附

倪之槐

顧守誠

屈宏基子維附

陸璜

胡德炘

張元叔

宋炳

張咏莪

屈世楣

陸子鑰弟超曾附

倪耀曾

楊汝英見天附

屈橋年子何附

林原

許仁培

邵涑

沈炳

陶宗揚

鮑東璿子念祖附

黃欽阿

屈五峯

陸鑑

馮士模

倪銘金

陸鴻飛

周煥

馮庚

李浩

孫元

楊以梅

胡又銓

沈均

朱勳

錢祖望

施天苞

鮑煇

張敦第

金起堦

張人標

陸大章子謙附

全璠

沈廷烜

王鑑

金廷勳

沈廷錦
附弟 鎔

錢陳

張誥

張論

徐輝

沈步蟾

沈上垣

沈斯
子欽 附文

嚴恕

周用錫

徐應潮

時德潛

何世榮

錢維楨

胡德煥

陸林

屈茂蓀

王思高

周克敏
子庭 附桂

孫增

徐麟

崔灝
子廷 附琛

徐金生

錢崙源

屈欽鄰

姚轡均

奚景松
子耀 附宗

顧廣倫

陸潢

高賜忠
弟賜 附孝

葛肇基

沈壽祺

朱知極

徐山

鍾炳

徐觀治

謝斌偉

何晉松

錢炳奎

平湖縣志

卷十八

人物 列傳四目錄

五

方技

陸鑾

朱端

曾和

陳啓雲

孫官

林鳳華

魯烈

姚井

陳鼐

陸金
子道光 充均附道

唐守元

吳悅

徐桂庵
子光瑞 如璧均附孫

張軫

陸堯化

徐同亭

俞恩
燁

馬德澄

計治安

過澤充

沈信

沈禧昌

戈中顏

胡右宏

陸二龍

張培

張坦
子篆 附子

沈松年

韓鏢

吳龍章

陸森立
子揆 附卓

胡湄
孫璞 附

沈學鏊

楊泰基

曹銘

錢珍

朱軾

陳紹發

金應泰

陸如金

張廷章

子師敬師厚
師英均附

戈朝榮

陳師黃

陸宙种

戈守智

徐日嚴

何清

戴陞

張世求

方樹本

弟樹勳附

顧榮

夏鼎

潘晨暉

陸錦雯

徐大珩

丁琳

鮑祖雋

葉恆

王範

宋景洛

朱正俶

周保極

劉琴梓

吳元臣

陸東山

張慶善

郭暄

馮葆光

徐墉

顧升

吳渭山

沈志裕

汪廣平

陸桂

俞銑

許汝敬

陸修潔

僑寓

平湖縣志

卷十八

人物
列傳四目錄

六

姚士舜

璩之璞

葉紹袁

子變附

魯得之

李延昱

萬六吉

韓畱

曾畹

葉舒崇

許箕

栢古

翁厯

翁嵩年

王廷燦

子延附年

翁元發

蔣振鷺

黃厚燧

顧原

余鵬年

鄧夢蛟

陸鳴謙

茅鍾盈

張起鱗

王學素施
名國均附

彭翼乾

張炎

吳鵬

鮑詢

徐善遷

姚振家

徐熊飛

子金附鏡

王士鍾

子涑均附渭

沈良

周如春

范霽珍

陳文藻

平湖縣志卷十八

四品銜升用同知平湖縣知縣彭潤章修

人物

列傳四

尙義

按明有勅旌尙義之例邑陸宗秀輸穀賑饑詔書褒美閭里榮之其後好善樂施代有其人因擇其義舉之有益鄉

黨者標為尙義門而以義友義士竝列其中寓激勸微意

明

陸宗秀宋樞密副使旋吉九世孫為人敦樸有至行與弟宗達宗俊友愛最篤永樂甲辰應賢良詔與陳繼等二十三人徵至京師會仁宗新御極引見於便殿宗秀方巾布袍上異其禮貌命至宸前問曰如何則天下太平宗秀頓首對曰皇帝親賢納善大臣秉

平湖縣志

卷十八

人物 列傳四

公持正自然太平上悅曰好言語公卿在列者皆悚然既出大學士黃淮問先生何字對曰小民名實字宗秀里中謬以字行淮歎其言動合禮留京師月餘以疾辭賜寶鈔銀幣還正統五年歲大稔出粟麥二千九百餘石助賑事聞賜勅書褒美表其門曰尙義

子珪有傳

程尙義朱尙義高行誼張義行王尙義

孫佐鍾鳴遠潘璧正統五年歲饑佐等與陸宗秀同時各出穀麥二千石助賑有司上其事朝廷勞以羊酒旌為義民復其家三年

其勅語俱與宗秀同

程尙義朱尙義高行誼張義行王尙義

陸平字國平平生好施處事有斷里有訟者爭就質言出而解洪熙改元歲大歉民食草木平盡免所貸錢穀作粥以食老弱餓者多全活正統壬戌至景泰乙亥屢饑前後入粟五千餘石麥八百

斛佐有司賑濟詔旌爲義民表其宅入京謝恩賜宴光祿寺授教

官按程志云陸國平初名國賜改國平朱志以下皆作國平惟省志則稱陸平今從之程尚義朱尚義高行誼張義行王尚義

江濟字伯與宋丞相文忠萬里之裔正統五年命臺臣領勅督各

省布按府州縣置預備倉勸民能出粟佐官者旌其義復其家濟

傾家得粟二千一百五十餘石輸官事聞璽書褒獎表其門曰尚

義勞以羊酒入謝賜宴奉命建勅書樓于江灣

按兩浙名賢錄陸平世居海鹽省志

及嘉興縣志皆以江濟爲嘉興人然舊志相沿已久而邑以尚義祀者有二人木主則其爲邑人當必有據朱尚義高行誼張義

行王尚義

屠機字汝敬號竹軒歲饑兩輪粟賑濟例得仕者階服輒辭弗受

兄子煥從戎於燕年五十無子以書諭曰汝父不絕者在汝宜歸

續汝祀煥歸爲葺室割田與之嘗雪夜過淞湖聞葦澤間有嗚嗚

平湖縣志

卷十八

人物 列傳四

一一

聲棹往視之乃一人手足被縛命舟人負至舟解其縛易故衣以

火溫之久而始蘇知爲句容商人徐甲爲盜所劫食之踰月愈而

歸以百金酬不納以子勳贈刑部尚書勳有傳

張義行王尚義

陸珪字廷玉宗秀長子性好義有父風嘗代輸一邑賦以寬民力

景泰六年饑疫珪與弟瑜給穀種施槽櫝以千數明年又饑復與

弟瓏瑜瑾共出穀五千餘斛賑之有司上其事詔授珪迪功郎兄

弟四人皆賜宴光祿珪以德義著於鄉鄉人有不平事皆就取直

不至官府邑初建學宮珪與沈昊共任之大成殿成邑令羅榮酌

酒祝曰願兩家世世衣冠不絕其後陸之孫淞沈之孫肆俱發解

至今科第甲於一邑云

程尚義朱尚義高行誼張義行王尚義

俞錦字克美性好義以古人自期姪彬貧析產過於己子故人金

燕死無以殯其子坤來鬻田計所需給之焚其券張輅儲敬十餘家藉錦舉火嘉靖間築城署縣事殷廷蘭以其居當城趾欲廣數丈全之錦曰何等時迺以一人居煩縣官費乎竟自毀庭寢二十餘間郡守劉愨顏其門曰義門

程尚義朱尚義高行
誼張義行王尚義

張濤字悅清多隱德娶婦盲相敬如賓蘆瀝場官逋二百金繫郡獄濤代償之越人駱某好學而貧以勾軍匿濤所濤護之遂入陝中鄉試歸以百金壽不受友人趙端嘗貸於濤償時攜七歲孫漢以往濤器漢歸所償金佐讀書後漢任諫議執子姪禮終其身孫熒有傳

程尚義朱尚義高行
誼張義行王尚義

曹臬少業儒家貧館于某家忽夜有叩門聲則處子也臬拒不納明晨以他故辭族兄校以貢仕光祿丞家富而耄托臬司計四十

平湖縣志

卷十八

人物 列傳四

三

年許尺帛分錢犁然不苟弟早亡遺女臬厚嫁之舅氏死臬調其

嫠孤里中咸推長者

程尚義朱尚義高行
誼張介節王尚義

韓文字本質起掾史授羅浮倉官前官逋糧久繫獄文歎曰三十金關一家命盡出所攜資償之遂得釋文六十無子南雄太守貢珀贈詩曰捐金不惜緣無子垂老猶忙爲有官此意只教知屋漏老天曾肯竟漫漫後果子相任通判贈文如其官年八十餘卒

程尚義朱尚義高行
誼張義行王尚義

陸序字可松爲黠者所中坐死得雪黠者坐他法序更爲排解黠者愧服出粟千石賑饑上聞授序七品秩子槐有傳

朱尚義高行
誼張義行王

尚義

馬瑀字朝儀性慷慨好義弟珣運漕覆糧多傾家償不足部使者

按治瑀以身代白得免周邑令廉平大猾訐以私苞苴萬計瑀上書當路侃侃數千言得不坐歲大侵民多流徙瑀固請于郡免今年田租卒減其半會貢瑀以次當貢或謂先陸某未至可得瑀不應卒貢陸館兩峯黎令署中二年絕不干以私沒後贈參議子千乘孫維銘曾孫德灃皆有傳

朱孝友高行誼
張孝友王尙義

陸垕字載民博學隱居家不甚饒慷慨好施值歲饑宗人賴以舉火戚里亦多所仰給至鬻產不恡有司奏旌其義

程尙義朱尙義
高行誼張義行

王尙義

陸基誠字存卿生員重義氣戊子大饑悉發儲蓄以餉族戚徧擇五父之衢爲糜粥以食饑者復設冢市櫛櫛收瘞路殍度大侵後必疫劑藥餌以待己而果疫人賴以全

程孝友朱尙義高行
誼張義行王尙義

平湖縣志

卷十八

人物 列傳四

四

沈維錡字震躬生員少有大志嘉靖丁巳倭警總督胡宗憲設計誘降厚禮聘維錡維錡慨然曰此吾見奇時也時倭巢沈莊勢若負嵎衆莫敢入維錡獨往說之倭欣然請降已大兵四集盡殲之維錡實首功督府欲疏請大用維錡志在科第不欲以軍功顯固辭督府壯而許之但奏免沈氏十年田稅

程尙義朱尙義高行
誼張義行王尙義

陸瑞銓號宇平諸生父傳教少膺多難勵志砥行瑞銓性好義值歲荒平糶煮粥全活甚多族指繁衍或不能舉火捐田六十畝入宗祠以分給之故人子有零落者輒爲收錄毘陵舊族有母子漂治至湖鬻身者捐金贖之子之祺官河南布政使瑞銓及其父封

贈如其官

朱尙義高行誼
張義行王尙義

倪虬字六元高才善吟咏負氣節先是邑中徭無定編正差雜泛

率脫豪右而科貧弱虬獨慨然釐剔爲民請命臺司善所陳條議
著爲令甲湖民便之湖邑邑乘虬與分輯著雲林集新安三楚記

游藏於家

王尚義

邵言字龍橋庠生讀書多大畧慷慨好施世居褚涇隆慶間歲饑
米騰貴令諭富戶各鄉平糶言獨按戶給之大口五斗小口三斗
全活甚眾褚涇僻在治東田蕩相接自析縣以來田可耕而蕩盡
蕪萊萬厯中言請於當事獨力捐資開成庠水車路旁來兩水綿
延五里有餘又濬支港以殺平行不患旱潦至今賴之名其地曰

邵家車路

路志

張冲元字完初性誠樸嘗至湖州城以物付質庫主者誤授三百
金歸家發篋得之復拏舟往湖還其主主者欲分半與之固辭不

平湖縣志

卷十八

人物 列傳四

五

受後家漸饒崇禎辛巳大饑出穀千餘石助賑遠近全活建始祖
忠獻祠于蒹葭圍捐置祭田族人高其義以季子治洪贈鴻臚寺
序班長子長生庠生鄉飲介賓敦龐謙素有父風家雖豐不屑屑
計生產逋其租課者置勿校晚歲棄舉子業綜覽諸子百家書與
人言恂恂若無若虛閭里稱長者

高行誼張義
行王尚義

曹鐘鳴字洪聲戚屬朱存吾以腴產典鐘鳴五十金後請售鐘鳴
曰子賴此餬口苟屬我子何以生不索金而歸其券

朱尚義高行
誼張義行王

尚義

國朝

劉維恆字滌凡海鹽邑生乙酉秋邑被兵僵屍滿湖道路相枕藉
維恆偕姪棕率僕從收瘞至一千四百三十七人時湖畔無行舟

炎穢蒸灼維恆竟日往還無所忌撫軍聞其義欲上聞旌獎力辭

朱尚義高行誼

張義行王尚義

陸淪原字嗣暢號岫丹歲貢生少有文譽兄清原殉難後獨居蕭寺枕席皆淚痕年三十八妻亡不更娶旁無妾媵崇禎間歲大饑民洶洶思亂淪原請於邑令勸巨室減價平糶民心乃定晚年爲臨安訓導時功令嚴逋稅諸生貧者淪原出俸錢代完得免奏銷邑令奉檄造戰艦多科派淪原持正觸令意中以考功法罷歸

朱孝

友高行誼張義行王尚義

陸之瀚字水立父懋功官四川保甯知府幼年隨侍徧覽太白峨眉諸勝歸值鼎革放情詩酒自號白鶴山人與同里錢士馨施洪烈族人濬睿上瀾相唱和晚年食貧樵蘇不爨泊如也湖中久苦

平湖縣志

卷十八

人物 列傳四

六

糧役中人破產者無算瀚與弟之瀛糾同志九人請諸范中丞立官收官兌法民賴以甦有蜀歸記鶴山草堂集

王文苑

李慶乙字秋水天植從孫少孤貧勤學入海鹽庠後投牒罷諸生改名杜字龍門種菊數百本做月令考功記著菊經友人郭襄圖爲仇家所持墨吏檄下獄將中以危法慶乙經紀其家中夜扁舟出入險阻數瀕殊死急其難郭亡命出走吏督慶乙擄掠之下之獄戒獄卒偵所與勞苦人主名禍且延及慶乙裹創僵臥獄中不爲動會有謀釋慶乙者得歸歸三日卒給諫馬培原銘其碣曰義

友李君之墓

張義行王尚義

倪鍾瑞字青翟號吉甫明萬曆戊午舉人性好義嘗有人夜匿其家家人羣叱之使出鍾瑞曰不可是必有迫而致之者徐詢之知

爲追呼所迫遂代之完納且厚贈之感謝而去鄉鄰有羣兒盜其園筍鍾瑞見之乃市筍遍送各家且曰可徑來取毋使郎輩驚惶也衆議濬河而限于資欲其僕轉達僕不從互相詬詈鍾瑞聞叱退其僕徐語曰門前河吾家事也而煩諸君用心耶令其僕向各家負荆以錢分給歡呼載道其仁厚類如此晚年延陸清獻至家訓子淑則與清獻相得甚清獻嘗以其言筆之隨記云年九十餘

卒淑則有傳

王尙義

許默字鳴一少穎悟館于苕溪受知學使谷霖蒼遂爲湖郡庠生年四十喪耦繼娶馬氏初入門情緒慘淡詰之再三乃云前夫尚存特鬻身償逋耳急令攜歸不索其金口占一詩以送有好守糟糠到白頭之句與趙璜爲詩友邵延齡爲刊當湖兩山人吟稿卒

平湖縣志

卷十八

人物 列傳四

七

年八十二

高行誼張義行王尙義

楊林字漢林力行善事建東湖木橋七處今之石梁皆其經始也又濬城河自東水門至馬家灣以便民邑有匠班錢糧匠戶子孫久苦株累康熙丁丑林奔請上官詳題將全浙所科徵者悉併入條鞭宿累頓除知縣王瑋碑記有義民楊林之褒華亭大司農王日藻採入編年遺事題其瑩旁小菴曰餘慶

高行誼張義行王尙義

張崢字如岡九歲居父喪晝夜號泣如成人母沒擗踊投地絕而復甦補邑庠生益以道義自守輕財利重然諾族黨中有緩急傾橐濟之戊子己丑間水旱出米數百石設糜粥以賑之復廣施丹

藥以療疫痢全活無算年四十歿聞者嗟悼

高行誼張義行王尙義

屈天成字培齋號禹功監生侯選州同知効用河壩以省親歸生

平慷慨好義勇于爲善歲丙子邑中大饑出穀千石平糶日爲粥于路以食餓者病則濟之以藥全活甚衆嘗與兄大成共置義塚田十餘畝歲施棺若干自邑治至新倉鎮建石梁十有八學宮圯獨任葺治復捐田二十餘畝爲歲修資遇族衆困乏及孤嫠者按節周卹之邑稱仁人君子皆以天成為首以子樹榮貴贈刑部員外

張義行
王尙義

沈瑜字倬宸生員家不甚饒周急濟困篤行不倦邑中育嬰始于知縣董天眷然庶事草創經制未備歲所收遺嬰皆送蘇州就育至是瑜慨然以實心奉行爲己任偕同志朱弓錫周維瀚過鰲三人請于當事設法勸捐里人感其誠爭相樂輸瑜鈎較出入苦心擘畫十六載規制詳備堂產幾二百畝活嬰無算瑜亦以勞瘁卒

平湖縣志

卷十八

人物 列傳四

八

朱弓錫字彤一周維瀚字翼皇皆監生過鰲字弈昭生員

高行誼
張義行

王尙義

張逢年字炳文號怡亭監生侯選知府性好義宗祠圯獨任葺治雍正丁未主育嬰堂事以其地偏窄捐資創建一堂復捐屋租爲歲修資及堂中僱乳費至今賴之著有懷永堂詩存二卷

王尙義

韓廷芳字遇宸生員性剛方正直初成婚妻有宿疾母欲爲置妾固辭琴瑟靜好終身不貳色好獎人善人有過必忠告遇橫逆不校歲大饑廷芳向邑令陳民疾苦得省刑緩徵晚偕楊之醇馮朝棟等舉同善會開誠勸捐設法賑濟孤嫠廢疾至今賴之

張義行
王尙義

馮朝棟字觀王邑庠生性孝友力行善事析箸後兄殖中落割己產膳兄與韓廷芳創建同善會事見韓傳尋又與馬啟後收埋無

主棺骸歲以爲常

按二人沒有侖生方文達繼爲之躬親收座數年竟以勞瘁卒

又集同人爲放

生會課徒修脯悉惠貧乏家無斗筲晏如也束身圭璧里黨咸欽

年四十六卒

張義行
王尙義

張誠字斯立太學生少失二親遇忌日則潛然流涕稍長奮志力

學作文頗有奇氣尤慷慨好施戚族以緩急告無不應當湖書院

肄業諸生向無膏火誠捐四千餘金之腴田徵其息給諸生厥功

尤偉知府孝順阿旌其閭曰功在斯文乾隆己酉偕兄誠公車北

上觀太學石鼓歸應鄉試忽遘疾卒年止二十士夫惜之

路尙義

黃鳳字停雲號菊坪樂善好施嘗集同志修 文廟復放生湖創

永安局以賑貧乏建普濟堂以養老設思源書塾以課貧家子弟

前後捐資不下萬金鳳自著有當湖五事紀畧道光癸未

平湖縣志

卷十八

人物 列傳四

九

欽褒尙義

府于志
義行

盛瀚文字建章性好施遇歲歉踴躍赴義嘗偕同人立廣仁堂購

隙地七十畝有奇爲義冢又分局於全公坊施樁濟乏復募捐義

會五千金爲經久計此其善舉之尤著者子炯字雲泉監生仗義

疏財尤喜文翰嘗搜羅鄉先哲詩文遺稿先後付劄剞積至三十

餘種梨棗生香家道因是中落至今士林稱之

府于志
義行

陳佩蓮字景清號雲溪輕財好義遇事敢爲道光庚子暎夷陷定

海乍浦戒嚴佩蓮奉巡撫劉韻珂檄籌餉募勇防堵海口壬寅乍

浦陷毀家紓難事平議敘知府嗣又奉巡撫梁寶常檄辦理浙西

善後事宜籌款築沿海礮臺工竣奉

旨賞戴藍翎自壬寅以前乍浦節烈婦女不下數百人佩蓮稟請大吏入

奏

敕建總坊已酉大水民饑佩蓮倡議勸捐賑濟活者萬計事 聞
欽頒樂善好施匾額平湖萬程橋將圯侍郎徐士芬倡議重建未成而卒

佩蓮廣爲勸募逾年工竣他如夏施藥冬施衣備水龍以禦火災

開河道以防水患莫不躬親督率任怨任勞卒之日人咸惜之

新纂

胡良佐字又山候選布經歷從弟良俊字亦泉候選同知皆仗義

疏財平邑秋闈向無賓興盛舉良佐良俊倡捐腴田九百餘畝作

爲登瀛局公產士氣爲之一振惜皆早卒

新纂

平湖縣志

卷十八

人物 列傳四

十

隱逸 按前史隱逸傳必遜世無悶之士方為載入非不遇時者可假託也今擇其尤者錄之清風亮節落落數人足以起

頑式
懦矣

明

沈維鏞字宣卿號小山十齡能詩文二十領嘉靖戊子鄉薦性狷介不因人熱試禮闈姻戚趙文華陸炳交為之地維鏞知之托病歸終身上公車又屬銓曹授以甲科官亦不就人呼為癡舉人侍御劉存義嘗曰我蒞平湖四閱寒暑不為私謁者惟沈小山一人晚益放曠花晨月夕與騷人韻士詩酒唱酬流連忘倦嘗偕戚陸某泛舟東湖陸極口羨東湖滋息維鏞默不語酒未闌遣蒼頭取券至交陸曰吾以君為雅人故偕君放眼九派湖光君乃以為利藪耶今割畀君余亦與俗子絕交矣其骯髒負氣如此

張介節
王隱逸

平湖縣志

卷十八

人物 列傳四

十一

陸光宙字與常號巨石晚稱頑石老人刑部司務斐子四歲而孤邁家難匿車中走京師至武惠所年十六補順天弟子員聞母訃南還隱居郊園晚年超絕世好與宋初暘璩君瑕諸名輩友善

按張

志時與初暘輩一十八人結文酒社嘗泛震澤一白衣叟執紅梅造舟光宙曰必佳

客也載與酣飲作紅梅詩以別晚夢一道士持靖節小像索題諦視之即已也題曰在晉為淵明躬耕辭五斗昔以節自持今惟義自守千載復歸來春風吹五柳曾識白蓮人遠公是吾友蓋十八人中有白蓮道人如本也翼日遂逝年八十六著有鋤餘集子公鏐字芳淑有志行學者稱蒿庵先生

朱文苑高文苑
張文苑王隱逸

李天植字因仲崇禎癸酉舉人工詩歌古文辭屏迹不一千有司築廬園與海內名流嘯咏其間癸未應會試抵鎮江登金焦北固

諸山惘然有感遂易名確字潛夫遽返遯居龍湫山不入城市自

署龍湫山人往往糧絕不給或遺之粟非其人甯飢勿受一子早

喪子名觀字我生弱冠遊庠惟白頭婦相對間績棕鞋俟天目僧至償其直易

去又劈竹爲器鬻於人往來海涯九峯間後復耳聾與人接每於

粉板作書通酬答長吏守帥聞其名訪之輒踰垣避終不見山中

有鄭嬰垣者窮老無妻孥孤介絕俗至凍死雪中與天植爲至交

甯都魏叔子禧千里見訪臨別各揮涕禧因屬秀水曹侍郎溶且

致書周青士箕爲天植代謀朝夕天植終堅謝之魏禧與周青士

下僕前同沈進之往乍浦觀海中日出遂因周雲球交李潛夫先
生潛夫名天植崇禎癸酉登賢書今年八十一矣甲申乙酉以來
秀頂披緇衣二十七年不見人家奇貧無子又病疝氣不能二三
百步行久坐墜嘗曰仰臥讀書門無三尺之童厨無爨婢獨老
妻在室頽然相對無所得食已明矣方僕往見自盤跚執盃茗
不能具飯飯客雲球移酒一壺四簋一孟飯來就得竟兩三時坐

平湖縣志

卷十八

人物 列傳四

十一

潛夫耳聾於粉版作教使客以墨筆書所言相酬答語僕云身僻
處海濱無知識天下賢豪因問比交遊得幾何人僕乃疏先後諸
君子嗟乎古書傳所稱高士以苦節爲可貞吾黨讀書恨不生與
觀覽得解推衣食爲榮幸今親見斯人飢餓死無以相救恤
則亦傷已家居常應人索書僅有筆二枝墨五錢暫具十日食潛
僕檢篋中得二枝筆已磨墨一片受臨別相拜灑涕潛夫尤哀曰
夫五反僕曰是非盜蹠也然後臨別相拜灑涕潛夫尤哀曰
子還山吾終古不復見也僕出門惆悵頻頻回首望千里今
然無能贈人以屬倦圃曹先生如雞豚之逮親存此豈獨人子情
平安抑古人有言椎牛而祭不若雞豚之逮親存此豈獨人子情
然哉戚屬朋友皆然謀欲聯數同志爲扶月供使高士夫婦不轉
生暨足下慨然作悲敬欲聯數同志爲扶月供使高士夫婦不轉
溝壑僕直下感激如斯餓得飽明日僕之靈巖候公病便往造徐
昭法恩恩刺舟未竟屬斯緒伏念貧士中負古誼不憚勞苦求請以
益於人非足下誰屬僕重足下非特以能詩古文已願足下力
肩曹先生首倡率必多應者費度每月米五斗銀五錢人占一月
周乃復始力不瞻者或月二三古高人之志士考終應一月者出
銀一兩斲木壘土便足供殯葬自古高人之志士考終應一月者出
愛惜而彼方困躓飢寒不能自聊非必命數適然又非才拙不
足自養彼蓋有所不爲擇而蹈之以至是然必欲護惜安全之者

則又天之心人情所不可解也悲夫潛夫先生身爲孝廉三十九年使肯挾其才干當世何必不富貴肯妄求取豈無故舊仕宦足給其欲亦何至貧困如此老且死而不悔也雲球與潛夫望衡而居乍浦去平湖不三十里士君子必知潛夫當有同斯謀者足下幸鈔此書一通託進之寄雲球僕不及更作潛夫古之難衣食者然吾輩設誠將以禮敬亦有可受之道辛亥九月日太湖舟中禱拜白自注余訪徐昭法山中索示近作見此書昭法曰君意良厚恐李先生不食他食君子愛人以德君力所不及聽其餓死可也頃沈進之來云周雲球致予此意李先生堅謝之而先生亦於今二月棄人間矣予且痛且愧眞淺之爲丈夫也壬子七月自記

年八十二豫知死日賦詩偃臥乃卒鄉人私諡介節先生崇祀鄉

賢著有廬園集九山志九山游草忘機社月令詩送秋詩梅花百

詠諸刻其未刊者有廬園文集十卷古今觴咏集八卷山房日錄

四十卷隱林列傳十卷明隱林忠清合傳四卷表忠錄灌園錄紀

夢集山居雜志山居雜咏清修八則呼天外史大東飽蝨篇深省

堂詩話若干卷

按未刊諸書見里人宋景濂龍湫集序考天植詩始稱放言集繼稱就正草泊陸亦樵爲之鏤版羊

平湖縣志

卷十八

人物 列傳四

十三

城更名曰廬園前後集暮年所著別爲續集一卷今皆散佚宋景濂爲收拾殘編得詩四卷文一卷雜著一卷名龍湫集 嗣子

耀字明也號果菴自稱晚香園主人性愛山水有遍遊五嶽之志

晚年於燕於楚於江都歸卒年七十有五從子爲光字宛星號蔗

邨增廣生山人旣歿耀相繼殂謝遺稿散佚賴爲光搜輯成編得

不廢墜性喜吟咏兼善駢體晚歲潦倒益甚鬱鬱以死年六十有

七著有九山續志

朱高隱高行誼張介節王隱逸

馬嘉楨字允和號和衷給事中嘉植仲弟崇禎己卯舉人孤高絕

俗時就里塾課生徒束脯所入悉以供親嘗云兄以祿養我以館

穀養各供子職焉後寄跡蘭若不入城市往武林法華山受戒同

年友嚴沆物色之莫能得書畫各臻其妙詩文甚富易簣時悉取

焚之曰母留文字以銜名無子遺命不立嗣弟嘉相儒雅自命無

貴介氣晚年不應試翛然終隱

柘上遺詩云嘉楨既習禪觀持戒律凡持羹滌器必躬爲之苦行不

倦自號宗賢法名宏任 朱高隱 高隱 逸 張介節 王隱 逸

過銘簠字叔寅府丞庭訓子生而穎悟年十九中萬曆戊午副榜

庚午下第黃太史石齋物色之深以有司失人爲恨乙酉避兵紫

梅山又二年值歲薦不就輒焚去制藝稿杜門謝客冢宰陳百史

以書幣迎峻却之靜坐讀書雖餽粥不給怡怡無戚容甲子春感

微疾召諸孫曰我一生閱歷皆是我分內事非爲名高也言訖而

逝年八十六所著有性道筌朱陸解環蠹魚稿藏於家子澤廣邑

庠生性醅而介無裙屐氣早世不遇士林惜之

朱高隱 高隱 逸 張介節 王隱 逸

國朝

楊九垓字孚九邑生少有志節弱冠好讀史論天下形勢如指掌

平湖縣志

卷十八

人物 列傳四

十四

所交皆四方賢士大夫崇禎季年屢欲詣闕上書其母怒曰我習

爾家皆各循階級以保門戶汝固才奈何作意外舉止九垓感母

言遂絕口不談時務然性磊落如故馬阮擅權九垓獨入孝陵慟

哭旣歸里中醉輒擲冠於地曰楊大一男子爲爾所誤投之廁中

始快耳素伉直好呵罵一世勿顧衆刃之將劓其背也嘗手錄廿

一史類纂三百餘卷工書畫求者必韻人佳客以餽酒爲辭則大

喜出之俗子十返弗顧也家貧無子丁巳疾作高詠縱橫計不就

慷慨志猶存二語而歿年八十

朱高隱 高隱 逸 張文苑 王隱 逸

沈岸登字覃九號南渟一字黑蝶布衣性淡泊裋褐蔬食屢空晏

如耽泉石不求聞達有文衡山沈石田之風侍郎高士奇聞其名

延爲子輿師無一私語千士奇士奇嘗敬憚之生平著述半在遊

屐詩詞皆雋妙寫山水蘭石瀟灑淡遠無塵俗氣書宗二王時稱
三絕鐵筆亦工著有黑蝶齋詩鈔四卷黑蝶詞一卷行世韻鈔春
秋紀異若干卷未刊

高文苑張文苑王隱逸

楊之醕字甘山御史燬曾孫績學砥行介然不苟風矩端凝動必
由禮衣必布食不擇味讀書雖盛暑必整衣冠湛深易理每語人
曰屋漏有鬼神才短亦非恥居南郭孤樓岌然供祖先神主每日
焚香肅拜親歿茹素終身家貧授徒餬口舉一子殤鼓盆後不再
娶生平不貳色不殺生晚年焚所著書自題其像曰輟耕圖

張介王節

隱逸

朱鍾字應黃號雅山布衣居乍浦北郭食貧勵節酷好吟咏邑令
王鳳生造廬相訪不得見後徐熊飛爲之先容乃偕遊海上諸山

平湖縣志

卷十八

人物 列傳四

十五

道光辛巳郡縣保舉山林隱逸力辭居常衡門雙掩樵蔬不給親
故或以錢米相濟苟非其人不受也年七十一卒著有古白山房

詩介節

府于志

行詣 按王志於文苑孝友尚義各門外擇其兼有衆長非專門可定及舊傳涉套無從考核重纂者槩列行詣門茲姑仍之

明

沈渭字可閒高祖文俊字清遠本湖州馬要鄉人元末遷於海鹽之清溪父昊與弟昇友愛昇二子琮瑋從同郡沈稽勳清學酬以產渭出己產相佐治奩嫁諸姑暨妹無間嫡庶皆先父意爲之父嘗北遊固請侍行年幾六十絕去家事以閒曠終其身以子榮封

工部主事

程孝友朱孝友高行誼張孝友王行詣

馬昇博綜典籍有經世志聞靖難兵起遂隱居以父遺田宅讓諸弟別築一椽詩文自娛課子晬瞻俱成名瞻爲御史昇竹椽布袍如故自號溪南老隱著溪南集蒹葭詩稿

程高隱朱高隱高隱逸張介節王行詣

平湖縣志

卷十八

人物 列傳四

十六

周衢字士亨性樸雅弗事華靡時邑新創人文未著衢篤學慕古領景泰庚午鄉薦任山東膠州學正以禮率人訓迪無倦諸生有衣食不給無力喪葬者出俸助之罷歸肆力經史爲身心性命之學所著詩文力追古人

程篤行朱文苑高文苑張文苑王行詣

俞瓏字廷貴有行詣宏治間邑令熊卓引與計事行之民輒曰神明或干以私遂謝弗與通里人諺曰郭東俞生當春握冰

王行詣

沈樟字元美號西谿穎悟絕倫少受易日誦千百言弱冠爲諸生試輒高等因浙闈遂入太學復不售選授南直蘇州經歷不赴歸別構數椽爲終隱計尤喜長嘯竹下自號竹隱與二三知己商畧

詩史遇佳辰則飛觴浩歌未嘗不醉醉亦無狂態

朱高隱高隱逸張文苑王行詣

趙彰字用常號梧岡宋宗室與詔後宏治辛酉貢士負奇嗜古藏

書數萬卷王太史梅微時館於彰已而入中秘每言吾所學大半得之用常家也及入太學薛吏部故與彰善日子盍俛就廣文我爲子地三年可得令彰謝曰敝廬薄田足供伏臘奇書野乘不乏披吟安能爲五斗折腰向白眼少年耶不試而歸曾孫維寰有傳

朱高隱高隱逸
張文苑王行詣

沈溱字惠水號東洲其祖自武康分派僑居東泖至溱始遷邑之石莊爲人倜儻多才重然諾喜結客明正德間爲文思院大使以事忤劉瑾被杖下獄欲置之死有韓松鄰者與溱善走泣於項襄毅屠康信得釋瑾恨未平將復杖之松鄰流涕曰沈公繫獄數月再杖必不起我不忍良友榜捶死也請以身代會瑾竟不問乃歸隱未幾卒子孫遂爲湖人

朱流寓高僑寓
張寓賢王行詣

平湖縣志

卷十八

人物 列傳四

十七

楊陞字敏夫諸生嘉靖間倭警祖母與母倉皇走匿陞咫尺不離父歿諸弟幼且有遺腹弟陞析產成婚曲盡友愛閩客葉章遺金十斤儲囊坐竢還之客欲酬以半不受

程尙義朱尙義高行
誼張孝友王行詣

陸宓字子深撫州知府琳子性至孝歲稔捐私蓄佐公產殖落質錢以施無倦色鄰有女強力者以計娶望宓廬而返著有捫心錄

運甓餘抄

王行
詣

孫璧字朝瑞博學不第以貢授江西吉水教諭陞伊府教授致仕璧弟僉事璽貧時不能從師手標疑義就璧剖析白首歡洽事寡姊五十餘年門外雙槐連理因自號一槐婦翁王某無子籍其遺

資以宗人之良者主其祀年九十三卒

程儒林朱孝友高行
誼張孝友王行詣

林雨字少巖僉事桂子值徐海亂產中落而性慷慨鄰里藉以舉

火弟病痰以產讓之從弟無歸者咸爲割產析居以明經授溧水
教諭遷代府教授子楚不求聞達亦能加惠兄弟子諸負券悉燬
之年九十四卒

朱孝友高行誼
張義行王行誼

馬汝賢字印湖篤學好古領隆慶丁卯鄉薦早卒著有印湖先生
集以子明瑞贈工部員外明瑞有傳從姪孫啟賢生員授徒多雋
士洪學使承疇旌其德行

程儒林
王行誼

沈宏光字子懋號肖山嘉靖間以諸生遊雍徧交海內名士數試
不第會父兩山病瘍輟業歸躬湯藥衣不解帶者數年值兵荒謹
持門戶常痛不及事母見手澤必泣生平潛心理學兼精祿命芒
衣樓屨開席講論學者宗之晚悟天道元氣成於貞人心愛德歸
於正作愛正編又嘗感里徭之弊作均平議立宗子法爲世稱述

平湖縣志

卷十八

人物 列傳四

十八

累贈翰林院修撰子懋孝懋嘉懋孝有傳懋嘉字會眞號白巖與

兄齊名著四書說概白巖遺稿

程儒林朱文苑高文
苑張文苑王行誼

馬萬方字遐卿少負不羈好與酒人遊能高歌作燕趙聲意有所
觸忽碎壺痛哭四座皆驚嘗爲其父上書幾中黨禍復上冢宰堂
大聲白冤事稍解後爲亡命罹法逸去籍其家有訥菴草

王文
苑

馬千里字伯良廩膳生少博學雅慕高義歲饑請賑活人甚衆同
庠有挂於理者力解救之季父珣無嗣迎以歸奉之終身課弟千
乘不以家政煩之比弟貴事兄亦若嚴父居恆淡泊凝靜不慕聲
利坐一室左右圖書怡然自樂名士往往出其門封太平知縣仲

子維銘有傳

程儒林
王行誼

沈維錡字望洋慷慨有義節嘉靖甲辰乙巳間旱蝗隨父塚設糜

賑饑全活甚衆子民範字寅所有醇行不以子萃楨貴改其素萃楨爲奸黨所搆民範怡然曰小人所切齒者是君子我今得爲君子父矣萃楨有傳

朱尚義高行誼
張義行王行誼

陸珂字子珍好義樂施宗族鄉黨有貧不能婚葬者周之輯格言
勛子孫曰饒人一着讓人一步爲善最樂無欲常安卒年八十三
兩舉鄉飲不赴子文典字希堯性孝友折節讀書甲辰歲饑捐資
設粥以活流民爲張亨娶婦路拾遺金還其主以至讓塔基田捐
葬地一一好行其德嘗手書清慎勤及仁廉公勤四箴訓其子長
庚後珂與文典皆以長庚貴贈布政使長庚有傳

程尚義朱尚義
高行誼張義行

王行誼

陸光宅字與中隆慶庚午舉人少慕陽明之學闢天心精舍集名

平湖縣志

卷十八

人物 列傳四

十九

士講究師門宗說性好施賑人厄困而自食脫粟衣布素臨歿書
無極太極四字王龍谿曰與中之學以仁爲本而又徹禪宗故至
性不亂云

程儒林朱尚義高行
誼張義行王行誼

劉麟字子仁力學修行好施予三族賴以舉火者甚衆妾李氏父
老無依厚遺遣歸以事其父以孫廷元貴贈右都御史

程尚義朱
尚義高行

誼張義行
王行誼

胡濂號碧源有隱德以孫士相贈江西右參政子友忠事母孝年
九十九歲一生不入公府亦以士相貴贈如父官士相有傳

程孝
友王

行誼

馬珂

程朱高張
皆作珂

字世望少穎敏父官廣州幕解餉金舟次彭蠡爲

逆藩所掠珂方迫試聞信卽手一襍行或勸以試畢泣曰試乃重

於親耶會王文成守仁平逆藩諭知廣州銀尚存遂請牒訴之當事不得復走訴之京卒得白後以貢授南直六合訓導再遷連山教諭不赴著有諸史辨疑

程孝友朱孝友高行
張孝友王行誼

過厚髻年失父事母惟謹父產爲兄蕩廢所遺不及什二厚更讓腴取瘠伯槐無後厚應嗣所受千金悉公之族人鄰人妾死誣訟夜以百金壽乞居間峻却之及庭鞠力白其冤鄰人感泣著有性理通鑑要畧諸書子庭訓有傳

程篤行
王行誼

姚應竣

程作
竣

有純德訓導定海視諸生如子弟子舜宣字華樓仙居教諭孝友敦行知縣王若惺敬之數造廬訪未嘗有私請孫之

鳳字叔瞻諸生著四書粹言尙書定解

程儒林朱孝友高行
張義行王行誼

鮑應選字太鹿湖州長興人博學洽聞治春秋得麻黃之傳執經

平湖縣志

卷十八

人物
列傳四

二十一

問業戶履常滿萬厯癸卯館於邑馮氏因家焉以明經入成均秉

鐸松陽山陰俱著聲譽子季方之高之元文名赫然學者稱春秋

三鮑

朱流寓高僑寓
張寓賢王行誼

懷所學字敏卿性穎慧髻年補諸生臬使者詣學執經講使者大稱賞之謂其有經世之志中萬厯己卯舉人日惟扃戶讀書有以請託至者赤頰謝之經年不一至公府年三十一卒

程儒林張介
節王行誼

俞志臯字蓋卿母早亡父有足疾弱弟未成立志臯守一經資館

穀供朝夕養中萬厯丁未進士謁選卒於潞河蕭寺聞者傷之

程清

修朱孝友高行誼
張孝友王行誼

陸橋字元建號石居深明性理詩文入宋人之室景賢祠創立義

田多夾輔功著有石居集行世

朱文苑高文苑
張義行王行誼

陸從誥字具評員外從諭弟天啓辛酉舉人學業醇至能爲人師

狷介不苟取與人咸稱之

朱列傳高文苑
張文苑王行誥

陸廷揚字西來天啓時爲中書避亂移居海鹽半邏姑早寡迎養

終身友人沈位中卒撫孤成立

府于志
孝友

陳增字進吾少英敏由廩生入太學有才名嘉靖中副車不得志

閉戶著書學宮燬倡義建修百日而事竣凡邑中士大夫所捐助

者皆還之華亭徐文貞階撰墓表

張義行
王行誥

陸大柱字平治光祿署正萬源子監生好義樂施課子尤嚴

王行誥

張熒字恕齋監生母歿哀毀不支父病願減算以延果瘳世宗朝

銓部楊豫孫薦之不赴惟以詩書自娛雲間張東海契之孫明昌

丁卯舉人任福建仙遊知縣復昌監生舉鄉飲賓

朱孝友高行
誥王行誥

平湖縣志

卷十八

人物 列傳四

二十一

沈維鏡字西野諸生父垣守惠州卒扶櫬歸賻遺槩不受鬻產積

書十餘棟手自評隲暮年辭貢不往著有霏玉漫吟史漢鈔

程儒
林朱

文苑高文苑張
文苑王行誥

時敏字恥負事父孝父歿苦枕塊哀毀有加踰三十

按本文踰三十
下脫去一十

字府袁志遂誤爲
嘗三喪妻今更正

喪妻下帷攻苦里人願以子女之不應獨居四

十五年室如懸罄卻金自守

程孝友朱孝友高行
誥張孝友王行誥

馮伯禮字節之號讓伯太僕卿敏功子敏功卒臺臬賻以金伯禮

遵遺命歸之官築寶應護堤與其妻查氏事母以孝聞性任俠嘗

爲友人授室傾囊不愆及卒有束芻墓上會哭者生平好讀異書

詩學劉長卿著有春秋羅纂十二卷

載明史
藝文志

剩言一卷

程孝友
王行誥

劉希聖字思睿天性孝友母孫淑人病衣不解帶者三月兄弟五

人析產時獨取其最下者嘗遊白下拾遺金於逆旅坐候其人還之以子廷元贈兵部尚書弟希賢字東溟性孝友事繼母盡禮進膳必躬親有指使則身先婢僕人以爲難

程孝友朱孝友高行誼王行誼

施應墳字士和少時代昆弟繇役建白平徭諸議嘗路拾遺金俟失者至還之贅曹曹富而無子資應歸應墳及曹卒應墳視其含斂哭之去無少染指性喜施予不問家人生產課子極嚴以子鳳來贈大學士鳳來有傳

程尚義朱尚義高行誼張義行王行誼

曹大有以孝友聞膺貢不樂謁選詩酒自怡子孔榮有傳

王行誼

陸長春字景陽長庚從兄性孝友以父文昭鰥居時集高年置酒會曰非此無以娛我親也嘗贈友人劉某兼金爲其子娶婦後其子豪於資且兄宦顯長春絕口不道前施萬厯丁亥大疫早起見

平湖縣志

卷十八

人物 列傳四

一一二一

五鬼竊語曰正人在我輩當避之家中竟無染者

朱尚義高行誼張孝友王行誼

陸啓麟字開雍兵部侍郎長庚子生廣德州署有雙竹並蓮之瑞性端重嘖笑不苟爲諸生足不入公府產中落勤於課子人以爲賢子濬睿有傳曾孫凌勳監生能詩早卒

王行誼

陸文相字春臺諸生父賓橋坐累論戍繫獄數年文相七歲見知縣出攀輿呼救知縣問知書否以能破對因命扇爲題應口輒就遂釋賓橋賓橋亦有隱德嘗拾遺金十兩坐候其人還之孫懷玉

有傳

程儒林朱孝友高行誼張孝友王行誼

馬香幼失怙恃刻苦自立兩兄老迎養殯葬撫四姪如己子子鳴

雷鳴霆各有傳

程尚義朱孝友高行誼張孝友王行誼

陸萬達字天相撫州知府琳孫諸生親歿同弟萬達廬墓輪瞻弟

姪孤寡更捐資置產以佐婚嫁喪葬之用所著有文端集綱目子史纂萬達字負劬諸生幼穎敏爲詩文倚馬可待從徐魯源遊研究心性之學學使洪承疇亟稱之神光兩朝實錄列諸孝友傳所著有文惠集諸書

程孝友 王行誥

陸燭字時秉邑生父相建昌府經歷宸濠將變先乞歸燭性至孝父病刺指血投藥中尋愈遭喪廬墓三年臨逝張目捉筆書曰從古英雄有去時只求心不愧天知無一語及家事子懋功有傳

程儒

林朱孝友高行誥 張孝友王行誥

馬維鉉字鼎甫隨父九衢於孫簡肅家塾曲承父志簡肅字之曰體衢廩餼館穀一無所私課弟維銘成進士撫孤甥陸瑞徵爲之婚娶舉妻姪潘某三喪萬厯庚子以貢授廣東保昌訓導太守委

平湖縣志

卷十八

人物 列傳四

一一二二

以橋稅維鉉力辭不任沒於署贈刑部郎中子德澧德澍孫嘉植德澍字商雨扶父喪歸里哀感路人性坦厚子嘉植既貴自奉不異寒士徒步里門有司造謁皆拒不納共推爲長者累贈吏科給

事中德澧嘉植各有傳

柘上遺詩云丙申元旦德澍忽緘一冊付諸子曰至秋當開及歿啓封視之其詞類

前知者有未刻稿一卷 程篤行 朱孝友高行誥張孝友王行誥

郭日乾字懋學孝子球子生員嘗客長安友人陸萬境死道上負之歸邸學使蘇濬旌日尙義眞儒著有青蒲草元經史參同諸書

以子紹儀贈御史紹儀有傳

程尙義朱尙義高行誥張義行王行誥

陸懋學性孝友敦族誼倡立祭田能以一經教子子又機孫上瀾

各有傳

王行誥

倪承裕明湖廣參政輔曾孫性孝友讓產代運糧家殖盡落讀書

每搜取古人奧義著性理箋旨子秉元籥元秉元崇禎庚午舉人

好義急公有父風籥元有傳

王行 詣

倪維城字北鑰邑生少贅於陸與妻弟長庚同課誦相砥礪如嚴

師蘆瀝場總催為小竈累維城與趙志奎等上書鹽使者陳利弊

甚悉年九十賦落花詩一章而卒子鍾瑞孫淑則有傳

程尚義 朱尚義 高行

誼張義行 王行 詣

陸大銳字恆甫江西巡撫萬垓長子萬垓先任滇南大銳以道遠

請侍不獲屢書勸歸萬垓授積俸百餘金令置田為娛老計越六

載歸大銳仍以原金進萬垓怪之跪呈奩產曰藉此足贍何更置

為為人謙冲折節不與戶外事里中人忘其為貴公子也弟大鏃

字宏甫官鴻臚

選舉志作 衛經歷

年十三隨父之任舟覆洞庭牽衣救父

平湖縣志

卷十八

人物 列傳四

一二十四

冒入重淵會有天幸偕出當萬垓撫江右時大鏃家居心動亟馳

省母果沈疴泣禱於神請以身代得甦生平純白不存機械至貧

而仕不改其操

程孝友 王行 詣

趙科字南泉歲貢生崇禎壬午歲大侵捐粟煮賑邑令旌之

按舊 志歲

貢內無此人惟例貢有趙邦科 存以俟攷 張義行 王行 詣

曹繹祖字之眾諸生崇禎辛巳大饑出粟三百石以賑子五長穎

洙字系宣天啓丁卯舉人性耿介足跡不履公庭官永豐教諭次

穎泗字仲宣崇禎壬午舉人輕財好義鼎革後捐金贖族眾羈繫

者以好義稱姪孫元霖監生亦有品行

張義行 王行 詣

俞文溢字以忠諸生沈潛篤學動必以禮意所不可輒義形於色

生平寡交以道義相切劑者終身無間性孝友撫教庶弟倍至屢

試不售以歲選入京卒於邸

程儒林高文苑
張義行王行詣

陸溶原字嗣安少為諸生負經濟才崇禎末伯兄清原死節遂無
意人世結廬墓所不入城市手抄二十一史節本雅好客聞足音
蹙然輒喜年七十六宗祠構難痛哭沮之不能曰我不幸猶生憂
憤疾作勺飲不入口半月卒

高行誼張孝
友王行詣

過銘盤字伯新府丞庭訓長子崇禎庚午副榜才名重公卿間庚

辰歲饑米價踊貴建平糶議邑紳及富家感動價遂平貧民全活

邑有利弊侃侃正言無顧忌年七十九卒

朱列傳
王行詣

沈瑞鑿字德載號三楚析產時以腴田讓弟自取礪确由諸生入

太學不第歸舟次維揚聞弟瑞鑿訃倍道抵家憑棺慟絕未幾鬱

鬱成疾卒著有《大易廣義》子原浹字永叔性倜儻遇事敢言以子

平湖縣志

卷十八

人物 列傳四

一二十五

蔡貴 封知縣蔡有傳

朱孝友高行誼
張孝友王行詣

馬文治字遠之工詩文游京師三十年葉文忠嘗疏薦之不果用

歸家杜門當事以賢良徵不赴乙酉沒於難

按程志選舉作官光
祿寺署丞 張文苑

王行
詣

俞煜字君三崇禎丙子舉人幼失怙哀毀盡禮承祖父歡備至弟

光翰蚤世恤嫠字孤無少怠生平不涉戶外事惟以圖書自娛尤

精青烏家言著有《叢神考義》

朱孝友高行誼
張孝友王行詣

楊兆梧字非棘號蓉城崇禎己卯舉人幼孤性至孝哀慕不忘嘗

為文禱于忠肅祠冀沾一命揚其親既登賢書謁見房考鄔期仲

詢及世闕大哭失聲一座動容有師儉堂稿贈清豐知縣子燦有

傳

朱孝友高行誼
張孝友王行詣

倪士顯字慶雲貧而好義助表甥楊大成婚娶代鄰人陳甲償鬻

身值許東鰲夫婦老無所依生養死葬之子虬有傳朱尚義高行王

行 詣

沈紹閻字巽仲崇禎己卯歲貢葺宗祠廣墓田皆躬為之倡朱尚義高

行 詣 張義 王

胡嗣璜字映日從父士相平白蓮賊參謀畫晚歲隱居北郊為野

人衣冠著墨龕詩集子偉字松侶庠生居父母喪哀毀滅性友愛

其弟不忍分居嘗捐金免陳某鬻妻債性嗜學輯明稗三十卷張文

苑王 行 詣

劉亮采字德儼兵部尚書廷元子監生走京師代父申雪當事見

阻鬱鬱成病而卒人稱其孝崇禎六年學宮圯亮采捐千金為倡

平湖縣志

卷十八

人物 列傳四

二十六

邑人義之王行 詣

金台拱字星候真定知府汝礪子邑生性孝友母病危割指血和

藥得瘳弟岳貧困有田四十餘畝代為輸糧終身不易王行 詣

薛仲猷推官振猷弟性孝友讓遺產捐彭蚡淩田五畝作漏澤園

王行 詣

沈日冕字以大湖廣布政使萃楨子少為諸生壬午後絕意進取

嚴於課子其三子太學生嶙字雍南工於詩文公卿雅重歿後聲

名益著云王行 詣

國朝

陸標錫一名元字叔因性寬和生平未嘗有疾言遽色與人交坦

直無城府遇事輒慷慨族女有蒙難者斂資贖之順治間士子沿

明季舊習互相標榜錫嘗語其子隴其曰居官不入黨秀才不入社便有一半身分又嘗云貪與酷皆居官大戒然貪而酷人皆知惡之若自恃廉謹而刻以繩人人慕其風節競相倣倣禍不可言矣居嘗教子弟必令篤實務本其子隴其卒成大儒以隴其貴

贈靈壽知縣隴其有傳

朱尙義高行誼
張義行王行誼

張甫字伯宣庠生文名大著後閉戶讀書不求仕進輯族譜創宗

祠置祭田爲闔族倡生平樂善好施壽九十無疾而卒子兆治字

枚璧亦庠生工詩文有粵遊稿懷古諸詩

張義行
王行誼

陸本字天全弱冠爲諸生侍父肇涸疾衣不解帶父歿哀毀盡禮

撫幼弟弱妹成立奉母色養備至數奇不偶以長子光旭 封御

史光旭有傳次子光曜貢生官景甯教諭

朱孝友高行誼
張孝友王行誼

平湖縣志

卷十八

人物 列傳四

二十七

施傑松江同知洪烈祖也安貧樂道子大義亦敦孝友爲鄉里善

人洪烈有傳

王行誼

嚴峇字次良少年能文連江知縣劉希夔奇其才以女字之父客

死遺產悉讓諸昆奉母盡孝未幾卒以子思位 贈翰林院檢討

思位有傳

王行誼

張著字形先諸生英敏夙成齟齬時蚤負大志甲申後棄舉子業

避跡甬東王季重秦汝翼譚元孩皆尊禮焉晚愛逃禪并究老莊

及陰符經參同契悟真篇諸書生平不茹不吐惟種德藝善哀窮

賑乏爲無厭年七十五而終于周鼎家漢周鼎字耳黃性溫慈沈

潛好學康熙乙卯舉鄉薦第四大司寇魏象樞器重之家漢有傳

朱高隱高隱逸
張介節王行誼

朱國孝字仁所居鍾帶鎮東九曲里遠近稱爲曲里先生繼遷邑之北郭誠篤有學行不求聞達好吟咏頗得唐人氣格乙酉後益放情詩酒因感足疾不與世接晨夕皆賴長孫潑扶持里黨欽其德行欲延爲鄉飲賓毅然不可己丑冬復羣相勸勉笑曰予將遠遊矣鄉飲胡爲未二月卒

路志

金煜字朗如諸生少受知於邑令吳春枝在任三年不屑以片紙干瀆著有舊聞薈萃

王文苑

胡右寅

朱高二志作石寅

字伯時博學有文名丹黃盈案寒暑不輟事母

孝母有不豫色長跪移晷老而不敢怠嘗以邑乘多闕畧參校綜核自訂一集藏於家

朱文苑高文苑張文苑王行詣

陸瀟原明江西提學副使錫明嗣子性孝友事嗣母吳本生母沈

平湖縣志

卷十八

人物 列傳四

一二十八

備極孝養本生所授居宅義讓兄姪孫輝吉字兆枚邑諸生孝友

以文行稱

王行詣

張孚吉字初缶號依山邑生爲文古奧歷試高等年僅三十忽棄

制藝精研聖學以明心見性爲實功悟太極一元大哉乾元至哉

坤元得三元混合之妙理持躬端整儕輩皆莊事之微言密義不

輕示人

朱高隱高隱逸張文苑王行詣

陸濬原深原皆明兵部員外澄原弟濬原字嗣哲少負才譽交遊

日廣甲申抗疏爲兄澄原訟冤下獄論者直之乃釋深原字嗣長

性不昵俗後謝舉子業以書籍文章自娛終有覆硯齋集

王行詣

陸若采字亮虞都御史清原子性孝友痛父殉節終身未嘗笑飲

族叔祖鑿有夙負不能償采割已產代爲解紛聞者義之

王行詣

沈中琛字獻臣吉水知縣中柱弟少讀書砥行與兄齊名後從劉宗周黃道周遊學問益進詩思曠遠翛然多出塵想有抱一軒吟

稿王行

施湛字露巖明大學士鳳來曾孫少敏悟十三歲爲諸生作文有

原委得蘇子長筆力工吟咏早逝有草堂初集王行

金璞玉字柳城貢生與兄式玉俱有異稟讀書一目十數行下工

詩賦博涉典故有以疑義詢者條析無倦容嘗客江南縣幕以文

字見知制府延入署相得甚歡越二日制府以憂去其數奇如此

生平著述甚富俱不傳張文苑

王行

金尙源字梅格邑生進士式玉弟式玉既歿產中落公私內外尙

源悉身任之不以累諸昆性敏慧博通性理音律歷數之學王行

平湖縣志

卷十八

人物 列傳四

二十九

周心峻字介于居圓泖濱純修厚德樂善好施鄉里咸推善人云

張義行

沈中秀字穎生鄉飲介賓崇禎庚辰歲大饑佃高某逋租三十餘

石鬻其婦以償中秀惻然還之夫婦得復聚朱尙義高行

張義行王行

王應中字鍾甫明末僉充北白解戶謁新令朱如容令詢利弊應

中條陳詳悉令心識之遭家難賴以得白朱尙義高行

張義行王行

吳光室字季宜宋進士俯後寓於湖因家焉姪孫宗道僅三齡撫

之十五年婚畢而返其橐廣製良藥普施病者又集古人格言刊

修福正註一書陳繼儒爲之序晚號虛白年七十卒朱尙義高行

張義行王

行

顧祖履字乃成讀書尙實學設家塾以教子姪葬族之不能葬者

中年鰥不更娶三舉鄉飲以子天挺 贈文林郎天挺自有傳于府

志義行

朱鏞讀書砥行以孝友稱子汝濫克承父志有從子營父葬不得以已所卜吉地予之年八十舉鄉飲介賔孫和字介堂乾隆戊午

舉人居父喪哀毀卒府于志 孝友

倪象鴻字芽始諸生博學工文社集中推執牛耳善養生家言得大壽人以爲調息之驗康熙壬子知縣陳孚宸聘修邑志同修者

陸禾諸人禾字非黃遺著今無考張文苑 王行詣

顧天健歲貢生績學攻苦著有四書一貫講子麒麟有傳王行詣

陸徵誠字心葵少孤事母孝母病衣不解帶浣衣滌器必躬親之家鮮立錐而狷介有守嫡姪之淵無子徵誠主議嗣有覬覦者嘗

平湖縣志

卷十八

人物 列傳四

三十

以金駭而却走硯田自給對弟子不苟言笑雖盛暑爍金未嘗去

冠幘手輯先正格言若干卷朱孝友高行誼 張孝友王行詣

顧明傑字越萬號漁山庠生母病割股煎藥得蘇家產中析不分彼此兄人龍欲赴試傾資助之好學工詩著有漁山子集祖可達

父大宗皆孝友稱世德云朱孝友高行誼 張孝友王行詣

沈日芳字元贊府庠生幼喪父事母吳氏晨夕不離左右非應試

定省無間朱孝友高行誼 張孝友王行詣

邵朗字元亮康節先生後幼好學壯而多病謝舉子業旁通二氏家本寒素好周人急受其子封二十年足不至公府邑令執年家子禮請見固辭逍遙物外口不言阿堵遇家慶人請服公服朗曰君恩不可瀆也壽七十諸子欲徵詩文以佐觴笑曰我豈須此

安足爲我重弗許不衫不履時與衲子往還蕭然高寄以子延齡

封中書延齡有傳

朱高隱高隱逸
張介節王行誥

金京望字達菴父燈以善行聞於鄉京望讀書入成均有友無力
營葬割贈腴產爲兆域鬻宮兩次修葺皆捐資倡率祖居瀕水行
者梗於途獨建石梁二遠近便之以子南鎡貴 贈陝西鹽驛道

王行誥

盧聖瞻字上史歲貢生以孝友淹博見稱督學許豸獎其孝友子

錫爵字兼有院試招覆以名同學使者祖諱令易之執不可遂黜

以布衣終

張孝友
王行誥

楊聲佩字雲瞻庠生幼敏慧受業曹志周讀書砥行色養二親杜
門課子屢躋棘闈卒長子標庶吉士繼子翊時知縣皆有傳仲子

平湖縣志

卷十八

人物 列傳四

三十一

益齡字心川凝字肅廷俱有文行

張文苑
王行誥

馮文麟字茂芳拔貢生淹貫經史艱於一第遂絕意仕進績學砥
行嚴課子孫子元白字冠中有文名孫幾字孟三從事舉子業試
輒冠軍司衡屢徵閱卷雍正癸卯拔貢年踰六十矣乾隆丁卯舉

鄉飲賓以子廣譽

贈知縣 高文苑張文
苑王行誥

王允猷字二嘉諸生明季兵燹時驚不輟絃誦初豐於財家瀕海
之獨山海氛闌入劫掠一空遂爲貧士益肆力於古農炊不繼泊
如也性方嚴不苟言笑雖黨塾中輕儇子遇之亦震驚卒年六十

一文苑
王行誥

顧人龍字雲馭少穎悟讀書工制義以歲貢授太平訓導教士有
程嘗吮父疽賴以愈弟在縲絏破產營救得釋與人交藹如春風

年九十五世一堂赴鄉飲大賓卒子涵字詹峯庠生承歡友愛亦

以壽終

高行誼張孝友王行詣

陸若禾字元祈號訥安諸生父御史清原按閩若禾秉家政悉體父志傾資以應及父殉難哭覓遺骸且被外侮心力俱瘁生平尤

精史學年七十一卒

高行誼張孝友王行詣

曹鳴灼字臻萊由諸生貢成均為人重本行見善惟恐不及與陸

清獻交最契博通墳典并精地理年九十舉鄉飲大賓子宗柱有

傳孫煥謀增廣生陸清獻外孫沈潛力學歲饑棄產捐賑亦能讀

清獻書觀風使者王國棟以賢良方正薦以母老辭不赴

高行誼張文苑

王行詣

王子馨隱於掾吏不取一非義錢恂恂如儒者居湫溢雖炎暑深

平湖縣志

卷十八

人物 列傳四

三十一

居閉戶不至門前納涼陸清獻令嘉定時曾招之入幕

當湖外志纂

沈嶠字松亭性孝友九歲祖桂楨垂歿戒之曰我遭族黨毀不得

葬父旁汝識之嶠日夜冀成祖志族衆鑿其誠遂得祔葬嶠每掃

墓悲哭不已家極貧歲稔甯凍餓一介不取

張志云嶠精鐵筆善製硯湖中稱為嶠硯

與宗人璜善彼此相勗教其子黼熊輩先器識而後文藝一邑稱

之

高行誼張孝友王行詣

吳光遠字邇修幼敦孝弟嗜古文詞下筆千言立就谷學使應泰

拔置冠軍早歿弟廷遠字觀宣性仁厚犯而不校合邑稱長者

張文

苑王行詣

何元璜字嶽高四歲失恃事繼母能得父歡父歿孝養祖母竭力

承志敦行以古人自期遭喪不作佛事性嚴毅瞻視儼然不苟言

笑以諸生終無子著述甚富不自收拾其書多散失不傳張孝友王行詣

鮑文揮字明宇歙縣人遊北雍屢試不售徙家當湖歲春秋必旋

歙躬親祭掃志尚恬雅博通經史書法尤得二王遺意子三懋昌

懋暹懋昂皆博學好古克紹父風張寓賢王行詣

程伯鑄字遷于家貧負米供親父歿哀毀喘息幾不續母喪亦如

之兄為寇掠伯鑄訪求止存一姪相持慟哭營救歸為之完娶庶

弟二人遭兵流落亦親往覓歸俾有家室歲時周恤之事庶母如

母後家漸饒扶植族黨親知不倦高行誼張孝友王行詣

屈希完字天若少喪父事母孝撫弟友愛手營父祖葬死冰雪中

復甦與子朝陞俱以諸生有名孫應麟垂髫入泮工詩文書法早

夭高文苑張孝友王行詣

平湖縣志

卷十八 人物 列傳四

三十三

陸其燧字晚春年十六為庠生旋貢成均仲弟早世撫遺孤以祖

遺宅讓之割腴田為婦翁沈扶民卜葬親朋以緩急告者立應潘

紫翰早卒乏嗣其燧任殯葬并舉其家未舉喪康熙戊子歲饑施

粥報本塔院全活無算以仲子鳳岐 贈州同知鳳岐字武山好

施予捐社穀六百石當事獎其惠孚桑梓以子黃鉞 贈知府高行

誼張義行王行詣

倪兆嘉字允康一字豫菴性至孝淡於進取有姊既嫁而貧兆嘉

為育其男女婚娶如己出父母先後歿盡禮極哀遇親朋急難不

惜傾囊以贈新安洪姓者貿布失業負兆嘉三百餘金不責償子

三觀光有傳載光敦倫樂善綽有父風用光增廣生力學早世高行

誼張義行王行詣

馮洪復諸生工舉業兼古文辭居家孝友宗族咸推重之姪願字

君可亦敦節行克盡孝友舉鄉飲賓高行誼張孝友王行詣

馮洪行字士用幼失怙恃居喪骨立春秋祭享哀慕事長兄如父

有所為必稟命時以王褒姜肱比之高行誼張孝友王行詣

顧蛟字飛淵性孝友事親先意承志兄弟四人析產時蛟獨取礲

确嘗買舟舟內拾遺金若干中路轉還其主高行誼張孝友王行詣

周日芳字蘭生監生慷慨有膽識康熙初奉檄丈量日芳條議弓

口照舊又陳白糧改折之弊得徵本色其他好義事不可枚舉王按

志云是時知縣倪适另改弓口日芳說不果行高行誼張義行王行詣

陶有生字西音諸生性孝友舉鄉飲介賓好施與設粥賑饑子傑

亦樂善好施有父風張義行王行詣

平湖縣志 卷十八 人物 列傳四 三十四

馮耀嵩字周贊諸生有聲庠序尤篤於友愛凡喪葬大事獨以身

任高行誼張孝友王行詣

戈定字長發庠生加意嫺睦親族無告者膳之無歸者殯之夏帳

冬衣解贈不吝戈溪北置義冢數畝高行誼張孝友王行詣

孫培嘉字孚吉庠生旋遊太學崑山徐相國為司成屢見賞試輒

冠軍孝事本生父嗣父喪葬盡禮不欲私嗣產以周親黨貧乏人

咸義之高行誼張孝友王行詣

趙廷棻字我師廩膳生少孤事母孝友愛姊弟竭蹶婚嫁頭白無

間言廷棻長身玉立負雋才善騎射通音律雅工談論其文章沈

浸濃郁晚歸平淡課徒端嚴有法高文苑張文苑王行詣

趙廷驤字丹陞諸生讀書別有心解不落凡近旁通術數家貧授

徒自給年近九旬猶搦管運思以毅力角勝兼工楷書草隸張文苑

行詣

馮煇字瑞駢庠生性肫篤曲盡孝道與人接謙抑自下一切名利

澹然鄉里推古君子妻李氏早喪終身不再娶親黨義之高行詣張介節

王行詣

陸斌字柴菴考授縣尹性孝謹誠篤撫幼弟如子著有廉湖散稿

王行詣

馬嘉棟字礎臣生員砥礪廉隅里黨矜式以子焜 贈邱縣知縣

焜有傳高行詣張義行王行詣

盧開顯字備人讀書敦行終困場屋以子生甫 贈知州生甫有

傳王行詣

平湖縣志

卷十八

人物 列傳四

三十五

陸士煊字礪三幼有至性痛母氏早歿終身不赴讌會作詩酷似

孟東野石曼卿既而謂詩僅小技有志者不為遂肆力於經學有

大易輯注三禮疑義月令辨等書為士林所重高文苑張文苑王行詣

馬金章字堅城諸生日記千言一二過輒不忘風神如衛叔寶然

性端重不苟言笑博涉騷雅凡義有未析典有未覈者書識於壁

必洞曉乃去之弟鑿字擎三好以古文為時文一掃比耦纖軟習

徑中年得痰疾項背擁腫講誦弗倦以歲貢終張文苑王行詣

徐銘字常吉以諸生入成均性孝友父病顛天請代及卒哀慟不

欲生以母在強起眼枯淚竭廬墓終身家事一稟於兄庭無間言

後因喪母哀毀過甚遂卒次子宗泰字成高附貢生精風鑑醫理

廣施藥餌樂善不倦高行詣張孝友王行詣

馬燦曾字用光歲貢生選開化訓導事親曲盡孝養弟燦曾貧病艱嗣燦曾友愛最篤長子佐堯字靜先丙子副榜父母沒年已七十哀毀同孺慕捐田輯先世兆域創祭掃規儀任龍泉教諭督諸生以白鹿規條既耄賦遂初焉

高行誼張孝友王行詣

倪亮采字道躬諸生父洵徵應鄉試卒於途亮采年十二號泣扶柩見者垂涕事寡母盡孝祖庠生鑒喜周急亮采克成厥志捐金以息族之爭產并完娶不能婚者撫孤姪女與己子均分其田宅子廷鳳府學生早卒長孫藻垣雍正乙卯舉人

高行誼張孝友王行詣

曹與枚字宸卜少年力學康熙癸酉舉人淡泊自甘年三十五未及授官卒

高文苑張文苑王行詣

李登字安道康熙癸酉舉人性孝友門內無間言讀書深明性命

平湖縣志

卷十八

人物 列傳四

三十六

之學舉子業其緒餘也弟瑤枝字耕烟雲裁字文海俱以文名時有三鳳之目登上公車卒於京邸士林惜之

高文苑張文苑王行詣

倪喆林字幼貞監生州同知銜篤學勵行父淑 受業清獻喆林

篤學勵行奉清獻為師嘗校訂清獻大全小學諸書鏤板行世東

湖水勢湍急陸楊橋尤為西南要衝捐資千餘金改建石梁行旅

至今賴之

高行誼張義行王行詣

張長明字朗辰庠生嘗設義塾訓其鄉之子弟近村有渡往來者病涉長明斃石為橋行旅便之歲饑煮粥濟人賑活二千餘戶卒

年七十六

張義行王行詣

陸燦昌字赤城性至孝父知縣瑤林暮年里居燦昌先意承志克敦友愛親族貧者 待告急周之生長貴胄無裙屐氣弱冠知名

屢試棘闈不利以經史百家自娛授松陽訓導不就卒高文苑張文苑王行詣

陸世琪字元芳諸生工詩自號清虛散人子文元字虞音監生以詩世其家學訓其外孫沈初有成後初貴 贈文元禮部侍郎世

琪從子德鑑字睿韜亦工詩張文苑王行詣

陸秉琰字方崔父溶原貢生母周氏吳江相國女秉琰幼育於周補吳江弟子員屢試不遇慨然有四方志初從族兄祚蕃登萊道幕晚寓山西之清源更名瑑字玉峯有終焉之志次子時熺遠涉數千里長跪泣請康熙辛丑始歸生平廉而好義座右惟圖書數

卷卒年八十六高行誼張文苑王行詣

林朝珪字天漢九歲能屬文十一歲試卽冠軍入府庠年踰壯矣

平湖縣志

卷十八

人物 列傳四

三十七

阨於闈戰爲人方嚴峻整落落寡合性嗜古邑中推博雅領袖及

門多知名士陸解元士琰其一也無子遺稿散佚張文苑王行詣

陸名世字松友庠生敦厚有古風年三十婦歿屏婢媵終身不再娶卒年八十二子瑩字端明廩膳生恂恂儒雅無疾言遽色早失恃慟不欲生事父先意承志怡怡色養數十年如一日人稱孝子卒年六十孫養正字聖修諸生年十九倡戒淫會偕同志於月朔設冊書名注明無犯焚文昌神座前隨課文二首名敦行集砥行

澄潔卒年三十三高行誼張孝友王行詣

馮壇字穉登康熙丁酉舉人少失怙事母至孝家貧授徒以供甘旨操行潔白持躬嚴整足跡不至公府與同榜蔣棫之爲文字交

稱莫逆年六十二卒無嗣張孝友王行詣

楊豫源字升恆諸生幼失怙事母孝母病刲股以療中年喪耦不再娶弟巨源字以潮諸生性孝友營葬父母及世父皆盡禮故人陸聖修沒教養其孤俾成立程白川卒京邸時分束脩恤其家巨源子敬直字義方居父喪哀毀卒

張孝友
王行誥

沈源湟字殿榮鄉飲賓鍾蕃季子少失恃事父至孝兄喪耦資兄續娶者再恤戚族之嫠孤子嘉梅字裕芳監生父傷足每扶抱如廁後患中風扶掖起臥不怠敦行善事葺橋梁掩枯骼倡平糶償逋糧助兩世未葬者孫廷烜登仕版諄諄以清勤愛民爲訓廷烜自有傳

張義行
王行誥

陸大復王孫皆知縣瑋林孫大復字松澗貢生著有明人世說春雨山房集王孫字硯濤監生亦能詩大復子銘一字恕先乙卯舉

平湖縣志

卷十八

人物 列傳四

三十八

人官壽昌教諭銘三監生嗣王孫後

高文苑張文
苑王行誥

王堂字堯封號蕢香庠生人品學問推重一時然至老無所遇因託觴詠自娛卒年七十三著有海粟集藏於家子廷箴字懋昭號柘溪庠生早失恃踰時猶毀事繼母以孝聞勗弟容力學遊庠造就族中弟姪如貢生廷樞舉人鳳鳴皆以能文著鳳鳴字協岐乾隆己亥舉人授景甯教諭循循善誘士咸愛之

路志參
府于志

張漢年字蒼亭號客槎監生候選通判慷慨尙義時築海甯塘向九峯採石漢年急至省謁柳參將進忠曰乍浦九山不但保障一邑實嘉禾之扞衛也石不可去柳爲請於撫軍遂得免漢年爲閣學陸萊外孫嘗卽閣學丙舍改築亭榭題曰水西雲塢一時名士雲集詩酒唱酬比之北海云

王行
誥

屠肇臨字臨宜爲諸生試輒冠軍膺戊寅選拔除太平教諭端士習嚴月課三載乞休歸年七十有八猶授經他宅問字者履滿戶外病亟戒子孫治喪不得用僧道口授常耕硯田熟莫還書債清

二語者再而歿

張文苑
王行誥

馬煊曾字又昕號懌齋幼失怙哀毀逾成人長益勤學砥行工制舉業耽吟咏一時名士酬和成編性灑脫喜成人美兄焜入北闈無資煊曾有田十五畝盡鬻以助焜得領順天鄉薦成進士煊曾舌耕自給堂兄紹曾歷官戶部侍郎煊曾不因人熱晚號味閒老人壽九十一子邃堂字子深有操尙入太學因二親垂白色養終身壽亦登九十孫恆錫有傳

張文苑
王行誥

楊九雲字廣菴廩膳生幼孤事母孝積學能文吳下諸名士爭重

平湖縣志

卷十八

人物
列傳四

三十九

之遊其門者率年少登科第生平相切劘者鍾石城胡國期有國秀集遜業堂論行世其未刻者有四書心解詩古文時文稿評點

古今文讀本

高文苑
張文苑
王行誥

朱濬字文毅監生國孝孫性誠篤二歲失怙事母孝母有怒容卽長跪請罪祖高年病足出入必親扶持世父彤一久厝淺土慨然任葬事雍正辛亥歲祿設廠賑饑倡捐不悛卒年七十八

路志

徐鈺字寶籙號芥園兄弟八人友愛無間撫季弟鐘成立好行善事不求人知年五十始中雍正己酉鄉試生平讀書期心得實踐躬行人有急周之無吝色有鬻女者詢知家世焚其券卽令攜歸設家塾督課子弟尤以品行相策勵以子鴻昇貴

贈知縣

張義
王行

行誥

楊紹裘字翼王性孝友誠樸尚志節持躬端毅寡言笑不苟取與

淹貫經史邃於宋儒理訓試輒冠軍以貢終著有易義管窺性理

闡義諸書未梓子楷字貢九諸生攻苦力學以孝友稱張孝友王行詣

顧遐齡字符嵩監生雍正壬子歲饑傾己囊助賑餽粥路經水洞

口拾遺金俟其人來還之子兆颺乾隆乙酉副榜張義行王行詣

屠楷字幹園幼失怙事母純孝母有不豫卽長跪以請必得親歡

心始卽安撫諸弟妹拮据婚嫁雖傾囊不愆張義行王行詣

孫文海字叔沛監生弟觀海早世撫其孤設家塾教戚族中無力

從師者凡育嬰濬河建橋咸樂輸助張義行王行詣

倪淳字東岩正直端方不苟訾笑制藝一準先民爲諸生館陶氏

適陶被猾搆訟詞連淳時值雍正壬子秋試默誓一生名節獲售

平湖縣志

卷十八

人物 列傳四

四十

則洗榜發果捷張文苑王行詣

陳統源字見山力學砥行雍正壬子歲禋捐佃租窮民感戴盧生

甫卒於官爲之經紀喪葬課子義方以孫嗣龍貴 贈翰林院侍

讀王行詣

孫均諸生少負博雅名文章詩畫時稱三絕高文苑張文苑王行詣

周理字建庸監生本姓李嘗遊京師歸而聚徒講學著有頤貞集

高文苑張文苑王行詣

陳永祺字體仁廩膳生性寬厚和平喜怒不形於色每談先輩懿

行媿媿終日聽者動容課徒首先器識戒後進浮佻飭躬砥行士

林矩範少清敏專精舉業工楷書年六十不售學使者檄試將告

休學使曰汝尚矍鑠可畢試竟列高等乃益踴躍赴棘闈年七十

餘卒以孫朗貴

贈撫州知府

張文苑
王行誥

沈昌祚字御帆諸生負才名爲毛檢討奇齡高弟性曠逸與宗人

柘西黑蝶輩倡酬間作小賦得六朝遺意

高文苑
張文苑
王行誥

沈黼熊字肅度增廣生淹貫古學下筆爲文手不停綴尤工填詞

晚歲自號老著菴主弟敏修字翼來少績學工文中年悼亡不再

娶家貧授徒於孤寒力學者倍加訓課不取束脩生平行誼爲士

林圭臬

張文苑
王行誥

孫從謙字質生廩膳生工舉業以熊鍾陵爲楷模一時名士咸推

祭酒書畫亦工妙

高文苑
張文苑
王行誥

馬拱垣字翼乾諸生親歿終身茹素戚族以緩急告曲應其求曰

何可令人有愧色嗜學不倦著有尙書集粹年七十五不出戶者

平湖縣志

卷十八

人物
列傳四

四十一

四十餘年

高文苑
張文苑
王行誥

沈修齡字遐菴一字葦鄉庠生工詩古文詞尤長詩餘極爲陸太

史奎勳所推重修清溪家譜立言有體遠近講宗法者取則焉家

故饒以落拓好施予至餽粥不給恬然安之

張文苑
王行誥

陸其璋

高志
其璋
作

字琢良廩膳生孝友醇謹授徒講學以讀書立品

爲訓尤究心經學著周易講意八卷

高文苑
張文苑
王行誥

褚王庭字扶九博學工文自江西學幕歸文益高雋終困棘闈雍

正乙巳以廩貢授孝豐訓導年踰大耋不樂赴引老力辭子如幾

孫鳳啗如幾字陟三庠生試輒前列至食餼年已近七十矣幼治

毛詩閱六寒暑弗輟晚耽易旁搜博採丹墨互換稿木如綴古帖

鳳啗字冠周府學生先卒

張文苑
王行誥

徐凝字鞏藩監生爲父躍林肖像建祠做古刻木事親意家素封
藏書數千卷耄期猶研究弗輟歲稔設粥以療民饑捐金倡修學
宮子上法字乾菴雍正癸卯舉人著有徐南浦時文以孫維垣

贈福甯知府

高行誼張義
行王行詣

朱張志兆鵬字萊峯歲貢生事親孝友愛兄弟數十年如一日居

喪不作佛事與人交禮讓不衰中年妻沒不再娶故交程白川卒

于京邸百計歸其櫬子尙襁褓撫之成立家貧取予必嚴手訂先

儒緒言數十卷皆蠅頭細楷爲文章以大氣卷舒書得米南宮筆

意教授生徒門下士極盛侍郎沈初其弟子也子堯佐字襄哉廩

膳生耿介拔俗有古高士風

按兆鵬以史姓遊庠故張
志從史張孝友王行詣

馮堪字景曾監生早失怙事母施氏盡孝母暮年患頭風疾十餘

平湖縣志

卷十八

人物 列傳四

四十二

年不離牀褥堪衣不解帶侍奉湯藥寒暑無間母歿盡禮盡哀爲
人誠厚端謹族之貧者賙卹不怠雖拮据弗顧遇侮不較羣推長
者年七十八卒子四長錕有傳次鑄諸生事父尤謹愛養備至

張孝

友王
行詣

屈大成字集齋貢生候選州同知少孤事母承顏順志兄弟式好
無間言家素封克崇儉約與人謙恭和煦雖童稚微賤未嘗以傲
忽加之延名師訓子弟家道嚴整門館無雜賓與弟天成以行義
相勗樂善好施若捐葺鬻宮等事咸踴躍爲之卒年七十七以子
學海貴 封大理寺評事

張義行
王行詣

沈發字慎齋庠生父瀛洲字宗寰有詩名工書早卒發生甫三齡
稍長母親授章句每讀父書卽泫然流涕事母先意承志母歿茹

素三年入闈，俛得俛失者屢。甲子已入穀，復遭斥落，遂絕意功名。授徒課子，家貧盡鬻婦奩產葬三喪。及諸父窀穸，戚族告急，雖空乏必周之。自奉儉約，不苟取與。以第三子初貴，封禮部侍郎卒。

年八十二

按瀛洲王志作元洲宗寰作宗環三齡作十月今從沈氏家乘更正 張孝友王行詣

馬鏜字應旂，遭父喪哀毀幾滅性。服闋遊庠，與弟鏞馳驟文壇。人稱二馬鏜。領壬子鄉薦，丙辰禮闈不售，得疾歿于旅次。鏞竭力謀歸櫬葬先塋，旁事寡嫂甚謹，撫姪女婚嫁如己。出食貧苦，志終其身。

身

張孝友王行詣

陸載周字存六，世楷孫。奇勳幼子，出嗣叔父。勳遺產爲他族侵蝕，載周怡然不以介意。自出所有爲先人治葬，迎養生母，甘旨盡歡。合葬本生父母，五喪爲諸姪姪女經理婚嫁。好周人急，凡宗姻

平湖縣志

卷十八

人物 列傳四

四十二

貧乏孤嫠，無告者竭力攸助。交游以緩急告應之，無吝色。至性誠

愨克敦古道

張孝友王行詣

沈鼎字王才，少孤性孝，奉母不離左右。弱冠母卒，寢苦枕函三年。不櫛沐，積受濕氣，瘡發髮半脫落。生平不殺生，喜解推常，調郵隣

里之屯，蹟事叔父，虬甚謹。叔貧，割產以奉。年三十四卒。

張孝友王行詣

張應壽字玉溪，增廣生嗣。伯父御蒼，事所嗣母，定省無虛日。賑族弟貧乏，復祖墓域，獨任辦糧一十六畝，精堪輿術，不計酬直。里黨

推長者

張義行王行詣

沈壘字辛公，歲貢生。歷試優等，年逾五十居喪，哀毀盡禮，痛兩世未葬，拮据營窀穸，友愛昆弟，撫孤姪，成立中年，悼亡不再娶。卒年八十五。弟廣字棗洲，庠生，性孝友，事繼祖母，繼母竭力承歡，與兄

同居一室課徒自給造就生徒多成名雋遇戚黨有事以道相勗

一言排解鄉里尤賴之

張義行
王行詣

陸鏞字宮聲庠生生平孝友言行篤實胸無柴棘與人交和藹可

親不見愠色與韓廷芳馮朝棟等創舉同善會鏞力爲經理日漸

充廓工詩文兼擅八法卒年四十六

張義行
王行詣

沈廷牧字岳儕庠生幼孤事母至孝家貧積館資營葬兩世又葬

外父母居鄉正直自持族黨咸敬而畏之譜田祭產竭力維持得

以不墜

張義行
王行詣

周璣字在庭讀書好善有穿窬入室察其迫饑寒啟囊以贈其人

亦改行子錫龍有傳

張義行
王行詣

倪觀光字又文號咫菴性謙和敦厚與人接盎然如春設帳于家

平湖縣志

卷十八

人物
列傳四

四十四

間字者踵門至多所造就雍正癸卯拔貢除於潛教諭八年砥礪

研摩諸生悉感其教士習蒸蒸日上孝友姻睦每調親族之貧乏

者年踰八十終

張文苑
王行詣

陳鼎鎔字幼陶諸生思挾肘後方濟世遂以醫名族叔歿孤子鼎

銘無所依鼎鎔割半宅與居撫如己子鼎銘得讀書入學鼎銘字

敬三能詩歿于紹興旅次

張方技
王行詣

賈三登字庸埜號蒼崖少孤力學家貧就掾史性誠樸不苟言笑

雍正己酉選授安徽涇江巡檢芟除陋規刻苦勵節民有訟開誠

勸化未嘗用杖笞特嚴保甲令盜賊屏迹有賈舶遭風覆江干資

萬計設法護歸衛軍與民爭蘆地訟歷久不決爲根究原委片言

鞫服他如請平糶立社倉添防汛編軍籍免攀役凡有關民瘼者

條之上官無所忌上官以其位卑敢言亦曲意從之調權蕪關不以脂膏自潤民皆愛戴去之日號送數十里涇舊有狄梁公廟民設三登主祀于其廡歸里後親知不能婚葬者常典衣炊助年七

十七終

張仕績
王行詣

翁維正字甯文幼醅篤博通典故尤研貫性理語類諸書工文章試輒冠曹以歲貢除長興訓導嚴月課慎程校端坐明倫堂與諸生晰疑辨難日以爲常學田久爲豪右佔踞維正牒訴上官盡復其田悉以歲入頒寒雋多十戴之

張仕績
王行詣

鄭時乘字起田監生性耿介不欺然諾尤好施予同善會公費有缺輒出己資墊給事成不索償亦不居功又嘗傲袁了凡遺意設功過格以自檢乾隆壬辰學使王肅給敦行不怠額以獎之

張義
王行

平湖縣志

卷十八

人物
列傳四

四十五

行
詣

何大齡字鼎揆鄉飲介實賦穀季子候選州同知讀書砥行樂善好施捐祭田供祀族姓無力讀書給膏火費戚黨不能婚葬者助之嘗買林姓田後林親歿無厝地焚券還其田歲暮躬詣閭巷視貧甚者投以銀錢卽去并遍給獄囚其他善行甚多嗣子巽廷鑽孫濟皆能承先志廷鑽尤克盡孝養大齡沒哀毀過甚後二句亦卒遺命以衰經斂戚里稱之

張義行
王行詣

陳嘉績字丕文監生幼敦孝行父歿旅館家貧嘉績授徒積資扶櫬歸經營窶窳不使兄弟分任其事事嫠母孝母疽發于背吮其毒得痊伯兄早世撫其女爲之擇配士族弟嘉德以友朋事牽連繫獄追銀一千八百兩嘉績倉皇拮据鬻已產完納之後嘉德歿

又撫其孤成立

張孝友
王行誥

胡沆字兩瞻諸生幼失怙恃育于舅氏家至性孝友嘗憾不能侍奉二親遇春秋節哀感備至兄本澁歿資硯田營葬恪事寡嫂撫諸姪如己出恩義兼至經理婚嫁貧不能自存者留養之生平敦氣誼樂施與不輕然諾作省身箴自警年八十五預知逝期沐浴

更衣卒

張孝友
王行誥

金昌緒字廕臺由監生任福建布政使都事清操自勵無以供朝夕泊如也性好施凡友戚至閩必招人署款治爲之經紀往往傾囊以贈終無倦容喜爲詩跌宕不羈無子乞休歸卒

張義行
王行誥

丁廷鑿字浩如諸生幼從祖母居魏塘陳霆萬家下帷發憤殫研經史爲文章磊落有奇氣陳有僕婦奔廷鑿寢室力拒之後歸里

平湖縣志

卷十八

人物
列傳四

四十六

家奇貧硯田所入悉供甘脆性狷介不苟取與遇後進諄諄以力

學爲訓

張孝友
王行誥

楊萬基字御青以歲貢任縉雲訓導釐定祭品復朱文公祠田署

雲和教諭整飭士習卒于官

按舊志歲貢內止有楊萬基任訓導
無萬基名基疑誤
張仕績王行誥

鮑振宗字玉齋號南鷗庠生幼敦孝義性倜儻不羣工詩文兼擅

書法家貧授徒自給雍正壬子癸丑間歲大稔振宗謁邑令條陳

便民事十令從其半前後經理育嬰堂創立規條弊修墮舉嬰糧

漸充邑令高國楹延修邑志郡守李清時復邀纂禾郡古蹟毫不

私干中年鼓盆不更娶

張義行
王行誥

黃密字公謹居邑之乍浦研窮經術尤精于禮嘗歎近世三年喪無復有行其實者早喪父母逢忌日必素衣冠涕泣終日妻歿被

服飲食一遵杖期制人或迂之不顧也與其弟白首相友愛無間
言乍五方雜處習尚浮夸密以矜飭矯厲末俗人品巋然爲士林
圭臬生平尤工書精韻學

張文苑
王行誥

潘宗敬字誠孚諸生幼孤事母孝家貧館于外寤寐中時呼母淚
痕積枕席性端方厚重見義勇爲墓田失守傾家產贖歸爲業師

沈營葬兩喪績學工文無嗣

張孝友
王行誥

劉遐齡字伯朝號晚香少失怙母馮氏守貞十餘年口授遐齡章
句母故號慟不欲生嘗捐資倡復宗祠賑恤姻族有鬻婢者詢知

舊族焚券歸其女不索值聞者義之

張義行
王行誥

張廷誦字穆如號詩佳諸生博通經史贍文詞試必高等入敷文
書院肄業以五經應試屢困棘闈晚年居鄉課子足不入城市生

平湖縣志

卷十八

人物 列傳四

四十七

平敦崇實行師嚴錫光故遺孫金紱孤苦無依育于家飲食督課
如己子及入邑庠并爲婚娶割宅與居金紱歿撫恤其嫠至易簣
時猶諄諄囑子若孫善視之子宗濂字茂溪廩生師洛字澹夫諸
生俱敦行能文惜早卒

張義行
王行誥

何廷鏞字東江例貢生至性孝友通達事理雍正戊申同邑陸培
知東流縣以廷鏞人品卓犖才具敏練特薦引

見命往陝西試用廷鏞因親老不願遠宦力辭旋里偕諸弟間安視膳承

歡膝下

張孝友
王行誥

屈維銘字竹書監生父病刲股以療遂瘥修學宮濬城河並捐資

以助卒年八十三

張孝友
王行誥

施燦字履元廩膳生性孝父母病劇醫藥不治燦割股和藥以進

俱瘳壽皆八十外生平慷慨尚義賑恤嫠孤晚年經營葬事拮据

成勞卒

張孝友
王行詣

孫國柱字顏卓監生性灑脫不設城府家世小康樂推解有以緩急告者無不應遂中落工吟咏含蓄有蘊致顧不自愛惜隨作隨

棄子鏡明爲收拾殘詩然存亦寥寥矣

張文苑
王行詣

孫栢曾字永青諸生事所嗣父如本生父待羣從兄弟如同懷性

剛毅不肯媵阿諛俗善楷書工詩精制義易簣時戒家人勿作佛

事惟製絮衣百領惠無衣者

張文苑
王行詣

胡大業字廓園太學生少孤事母孝母年近九十寢興扶掖不稍

離妻歿不復娶有奴幼自鬻長思去大業卽還其券邑有善事如

經理育嬰堂濬城河皆與其勞焉子光庭字匪莪亦太學生早失

平湖縣志

卷十八

人物
列傳四

四十八

母恆背父啜泣父沒朝夕哭無時戚黨感歎宋某貧甚將鬻妻光

庭力止之杭人楊大益一家四口流落平湖光庭假以舍又助負

販之資十餘年竟得歸其鄉平生三遇稔歲咸以家穀平糶人以

樂善君子稱之

路篤
行

潘正宏字大成事繼母孝父有庶子甫生而母卒正宏命妻撫育

如其子鄉黨重之

九山續
補志

許泳字廣濤庠生家青蓮鎮讀書好義教子弟以孝友鄉有善舉

輒爲之倡孤貧老疾無不竭力周之雍正辛亥歲稔泳不徵佃租

閭里感歎卒年七十三

路志

馮雲達字東巖天性孝友父患腰痛侍奉不離左右兄鴻達沒後

撫育兩姪恩勤備至親課錫桓讀書補庠生家貧授徒自給以布

衣終志路

鄭泗裁字魯門號正也庠生品行端方學問淵博主社學席數十年精勤督課至老不倦門下士公上一額曰有德歿後同里沈文恪爲作傳新纂

陳大來字南英性廉直戚謝氏延之主會計非分所應得絲毫不苟取謝有子弟爲商者積逋巨萬無所措大來有田半頃悉鬻以代償有金某業墮負人錢五萬方欲自經大來救之詢其故又爲籌償之兄歿撫姪倍致其愛云卒年九十一路篤行

沈鴻達字儀吉號賓秋少孤力學自諸子百家及星緯方輿之書靡不畢覽顧蹟於場屋年六十餘始貢成均與兄鴻磐極友愛教子姪皆恂恂儒雅性沖澹不喜與俗客交授徒多所成就家故貧

平湖縣志

卷十八

人物 列傳四

四十九

而獨能爲善舉里黨尤重之路篤行

費振麟字西仁增貢生四齡失怙遺負郭田僅十餘畝母馬茶苦撫之故終身事母至孝年已艾晨昏隨侍不改孺子色生平但取修脯供甘旨絕不與戶外事亦遵母教也多女昆弟甥有失怙恃者男女五人俱代爲教育並婚嫁之尤人所難路篤行

張可大字敬安清和知縣鈞子附貢生博學能文乾隆初隨父任多資佐理後與族人復八世祖墓域撫族姪孫念祖成立婚娶克承父志父執胡馬堪宰高明卒於官無子可大出貲託人扶襯旋里并爲營葬司同善會事清釐積弊邑令劉雁題旌其閭曰敦仁襄義他如捐賑平糶修學開河等事無不竭力攸助焉路篤行

錢大登字惠寰號數峯乾隆癸酉舉人質甚敏文不加點斐然可

觀性敦明發恂恂飭內行無傲容亦無疾言遽色接人以禮雖盛暑必衣冠而出家貧授徒餬口門下多知名士生平未嘗竿牘有司邑有利藪羣染指其中或招之笑勿應晚選淳安縣教諭以右臂疾不赴卒年七十六

路篤
行

戈宏地字厚齋太學生析箸後二兄宏圻宏載俱早世遺子女並翼之成立嫁娶女兄適郭遺子重光幼多疾收育之長有室仍時加周卹族姪輩貧無立錫以屋與居不收直乾隆丙子歲饑出貲以賑知府李星曜旌之曰惠周桑梓

路篤
行

戈守義字遂和增廣生讀書敦行嘗館陸氏距家三里許暮必歸侍其親成婚匝月偕婦歸省方張筵相款聞父感微疾急歸侍妹適曹夫婦早世遺兩甥女育於家長爲擇配性廉靜閉門講誦不

平湖縣志

卷十八

人物
列傳四

五十

與塵事

路篤
行

許焜字培風號潛庵附貢生篤學攻苦居青蓮鎮比鄰少弦誦者焜獎勵之後進始奮於學性慷慨樂善嘗與世父梁同建宗祠置公產繼復自捐義田四十畝乾隆戊辰丙子歲皆稞糲賑饑獨建青蓮社倉倡捐穀米又建二石梁其餘衣帳醫藥櫛櫛施捨無虛日嗣子昌城字鶴羣太學生循謹有父風捐田以葬族之貧者又捐田爲義塚里人德之

路篤
行

倪之槐字中黃庠生沈潛好學與世父舉人淳以文行相切劘尤樂於爲善康熙甲午與族人捐貲其建高橋又於杭家漾設立渡船民無病涉遠近賴之

路篤
行

顧守誠字恪存中書天挺孫太學生親沒諸弟尚幼延師督課次

第授室終其身同居共爨祖遺祭田爲族中廢去出貲贖回仍作公產生平工書畫好吟咏家有小園疏泉疊石遍植卉木城市中

有山林之趣焉

路篤行

屈宏基字開務天性純篤以庠生入成均期滿當選州同以親老南旋母病累月不解帶友愛諸弟田廬俱讓而受惡歲歉煮粥賑饑新安墨賈久病逆旅昇至家衣食之給資以歸賣珠嫗失珠將赴水出白金代償之故人某以繼嗣不肖持兩篋相贈卒歸之縣令楊克慧舉鄉飲大賓子維鑒字古亭太學生樂善好施有父風乾隆丙子歲侵捐粟知府李星曜旌其門曰惠及閭閻

路志

陸璜字玉田廩生好讀書尤邃於易家無擔石非義一介不苟取遇子弟輒諄諄以道義相勗著有昨非錄

府于志介節

平湖縣志

卷十八

人物 列傳四

五十一

胡德炘字宿午乾隆丙子舉人庚辰禮闈首薦後以母老不復與計偕嘗養世母之寡者又連舉兄姪喪同郡某會試歸卒於途德炘出已資治殯具歸囊橐於其家晚任上虞縣教諭勤於課士舉報優行皆寒畯學使竇光鼐亟稱之

路篤行

張元叔字華峰號蘿溪廩膳生家素封以好善散其資嘗暮歸舟子匿其金詭言溺水失金狀元叔曰此小事弗傷性命幸矣其長厚類如此年六十餘始補餘姚訓導居官二十年告歸舉鄉飲賓

不赴年九十四卒

新纂

宋炳字腹珊監生少孤事母錢以色養兄秀早世嫂馮守志撫孤貧無所依炳迎養之已爲諸孤授室視如己子性慷慨急病讓夷有古俠士風戚族交遊以困乏告周之不吝晚歲多病杜門課子

以自娛

乍浦備
志纂

張咏莪字蓼天號菴窗副貢生父有痼疾幼稟祖培本訓從師力學不出書塾者二十餘年事大父及父甚謹父卒奉繼母怡怡色養母歿時年已艾猶孺子泣與從弟同居終身無間言年六十九

卒

路篤
行

屈世楣字彤軒學洙子貢生候補主事少孤事祖大成能得其歡心撫從子如己子宗黨貧者月給以米死則喪葬之倡捐葺學宮

建瀛洲書院及育嬰堂同善會以子爲經

贈刑部郎中

路賢
達

陸子籛字非池號蘭齋少與兄紹庠弟超曾希曾先後遊庠互相切劘有疑義輒辨論不休經史外兼精青囊青烏家術晨起盥洗畢輒臨已損五字楔帖以自課晚又好魯公爭坐位帖故其書古

平湖縣志

卷十八

人物
列傳四

五十一

勁有晉唐風格性鯁直縣令王恆深契之然未嘗干以私大父伯兄久未葬獨拮据以營窆窆邑有善舉輒竭誠贊襄曰吾無力藉以自盡其心耳艱於嗣六十後始生一子年七十九卒遺命不作佛事超曾字東海性耿介不妄取有王某者重其品延課其孫有成效王欲割田贈之堅不受以恩貢授孝豐縣教諭先其兄卒於官諸生憐其貧醵金以歸其喪

路篤
行

倪耀曾字鳳超號雲根喆林子候選州同少孤長兄已先卒族多貧無藉者利其貲時時侵凌之賴寡嫂馮能禦外侮佐姑撫育俾克成立馮亡耀曾感嫂恩用昌黎故事服期以報并以子世培後焉至戚楊之滄貧老無子館穀終其身延名師訓子他親故里黨遇之率有恩禮善寫蘭與魏塘曹廷棟名埒又善鼓琴非知己不

得聞母錢八十餘沒方病劇不能視含殮伏枕痛哭越六日亦卒

路篤
行

楊汝英字漢桓四會知縣翊時長子庠生爲文博雅有奇氣見賞於陳太僕兆崙友人秀水陳某流寓當湖得狂疾爲邏者所獲汝英訴於令出之有女弟歸程氏嫠居三十年汝英調卹倍至從子曾佑貧乏不能自存爲教養之因是家中落鄉里推爲善人焉其從兄天挺字秀峯庠生未冠失怙喪葬盡禮家貧授徒養母教子及孫以終其身

路篤
行

屈橋年字若倉號樂餘附貢生早歲嗜學勤著述中年復究心儒先書手自鈔錄值會心處輒以片紙書揭座右嘗購藏張楊園先生祝刻十三種書板珍同拱璧足見其仰止名賢無時或釋性敦

平湖縣志

卷十八

人物
列傳四

五十二

內行喪祭悉遵古禮獨舉兩世葬事嘗面斥人過華士多畏苦之遇舊交子弟軫恤倍至年六十九卒著有樂餘詩藁六卷子何煥何炯何煥自有傳何炯字公望號芥舟庠生天性敦厚接物和而見義勇爲酷嗜性理之學尤工書法生平取與不少苟居喪悉遵家禮不用浮屠法其祖墓在吳興勢家侵其埏道何炯偕族弟貢生爲彝訟諸大府勢家啗以重利不爲動有司乃斷歸屈氏監當湖書院兩年諸廢具舉院南橋圯易而新之年七十餘卒

路志參
府于志

林原字在陸庠生父早卒母朱遺腹生原稍長曲盡孝道以母節請旌捐節孝祠產乾隆乙巳歲歉原捐米以賑貧家有宗祠爲

僧謀佔訟於官得復又買田爲祭埽貲卒年七十六

路篤
行

許仁培字經南號雲帆時杰子庠生折節讀書務爲有本之學一

生行止中正和平學者以經南先生稱之

新纂

邵涑字玉方布衣性孝友澹泊寡營尤邃涵養卑幼有不率訓者

惟引喻之使自愧里黨重之卒年八十一

府志 介節

沈炳字彪堂候選按察司經歷早喪母父臥病侍奉歷三十年不

怠有鄰女既字夫遠客母食不給欲改字周之全其節戚屬某屋

圯與之屋死爲之殯又舉親族八棺歲饑倡賑建石橋三

路篤 行

陶宗揚字光欽例貢生乾隆庚寅主育嬰堂事時歲歉嬰多堂無

餘蓄宗揚盡心經理越三載捐資四百餘緡全活無算邑令王恆

旌其閭曰功存鞠育

路篤 行

鮑東璿字秉謙諸生振宗子勇於爲善經理育嬰堂克盡心力又

嘗偕同事十人舉行永安會收葬士族之貧不克葬者東璿董其

平湖縣志

卷十八

人物 列傳四

五十四

事永安局之設自此始子念祖字師前亦諸生著有音學入門

府于

志義 行

黃欽阿字鳳威號點蒼廩膳生性至孝事繼母能得其歡心幼患

瘍跛其左足終身不娶家貧授徒自給勤學好古嘗排纂閭郡建

置水利海塘人物令人一覽犁然有硯癖著有端溪硯史

路篤 行

屈五峯字鹿門太學生事親能先意承志婦沈沒時年才踰壯終

身不再娶生平好賑卹嫠孤族姪敦彝病沒貧無以殯典質助之

年八十卒

路篤 行

陸鑑字乾九閣學萊曾孫布衣守祖訓敦實行教後進必繩以古

道家至貧中年妻子俱歿館里中朱氏二十餘年朔望必肅衣冠

歸拜家廟植節耿介不苟取有負之者亦弗校卒年六十

路篤 行

馮士模字冠雲歲貢生性方直有氣骨不爲勢利屈書法擅一時

府于志
介節

倪銘金字省超庠生敦內行父母沒哀毀盡禮葬祖父母以下十

四棺不求助於兄弟人以孝弟稱之

乍浦志備

陸鴻飛字振雲太學生候選按察使司照磨幼孤事母徐垂三十年孺慕不衰舉三世之殯撫弟鴻昇友愛甚篤弟沒遺孤甫週啐

教養成立復割腴產授之乾隆乙巳夏大旱米騰貴捐百金以倡

賑縣令王恆振興書院又捐百金以倡其他好善樂輸無不恐後

又獨施糶殮貧死者每舉以百數卒年六十三

路篤行

周煥字堯文爲人尚意氣家有田百餘畝輕財好施後漸貧婁然有以急事告者典衣稱貸弗計也小試僂得僂失年將四十不復

平湖縣志

卷十八

人物 列傳四

五十五

試又十餘年而卒

新纂

馮庚字西曰庠生品行端方足爲士林矜式嘉定李賡芸宰邑時不輕與紳民接見獨屢造庚廬訪以利弊庚終廉隅自飭無一語

干以私里黨重之

新纂

李浩字紹揚號養齋拔貢生歷任常山武康訓導旋補桐廬教諭桐邑有鄧生者因王某命案逃匿波及其家浩憫其無辜偵知逸

犯在烏龍嶺密率家丁數人捕獲焉上官奇其才保舉知縣嚴子

陵釣臺歲久傾圮浩奉阮文達檄更新之並修謝臯羽墓年六十

四卒於宮著有停雲閣集八卷

新纂

孫元字敬夫乾隆丙午舉人性廉潔任壽昌教諭學問操守爲士

林矜式卒年七十一

府于志
宦績

楊以梅字漢才庠生兼習瘍醫其母誕辰買絮襖以施丐者嘗糾友戚舉座骸會屆期徒步遠出不辭勞瘁歷十餘年如一日乍浦備志胡又銓字錦杼號桐江庠生家貧居陋巷好讀史漢書聲常徹巷往來者擲揄之弗顧也與同里陳朗稱莫逆交朗官京師遣子歸就學焉惜早卒路篤行

沈均字鴻來性至孝母病禱天請代及母卒貧不能葬乃幕游川楚積金託其季父購地將歸營窀穸顧卒於途次路篤行

朱勳字汝諧號去華太學生事大父及父母俱盡孝友于厥弟戚族以困乏告者必周卹之有負者亦弗較性和平衣冠質樸言動不苟學使阮文達旌其門曰謹身長壽年八十時海防同知李賡芸以詩壽之至八十五乃卒路篤行

平湖縣志

卷十八

人物 列傳四

五十六

錢祖望字師鈞廩膳生二歲而孤成童後事大父及母皆能先意承志季父德忠年少於祖望家塾共學敬事之不失禮後同居數十年和好無間性儉樸糲食粗衣快然自足卒年僅四十五路篤行

施天苞字應午號吉雲乾隆甲午舉人歷任海甯諸暨教職性純孝宗黨之近者婚娶喪葬皆身任之在官屢有修建卒年七十有

三府于志 宦績

鮑輝字映川號曉庭庠生性和而介與人交藹然可親然人與言不及義輒面發赤家徒壁立從未以匱乏告人工書初宗歐顏後出入於趙董之間以縑素丐者應之無倦所著漁書樓詩文鈔已

佚路篤行

張敦第字吟蓴歲貢生於書無所不讀垂老猶手一編性坦率喜

引掖後進執經就正者訓誨不倦青烏術尤精新纂

金起堦字升吉號問漁庠生少以孝友稱兄啓垣蚤世嫂徐苦節守志起堦授徒以養曲成其志性耿介不妄取與人交和藹真摯有古人風生平績學工文潦倒名場年五十六卒路篤行

張人標字琴堂附貢生博學能文少孤事母孝兄歿撫孤成立周恤貧窮無倦色兼通時務當事俱信重之著有香草齋集府于志孝友

陸大章字汝白太學生六歲而孤事母盡孝性慷慨邑令林緒光以註誤繫本縣獄大章偕同里沈堦竭力周旋乃得釋人高其義子謙字辰山亦太學生嗜古能文試輒不售士林惜之路志

全璠字慕蘭事母孝以供事議敘選潮陽縣招甯巡檢性勤敏遇事敢爲乾隆甲辰有聚眾械鬪者璠聞報卽單騎馳往開誠勸諭

平湖縣志

卷十八

人物 列傳四

五十七

懲其爲首者眾遂斂戢丁憂服闋揀發東河署頓莊開官啓閉蓄洩悉協機宜漕艘過汛挽送無滯陞夏津縣主簿卒於官路篤行

沈廷烜字南羲祖源湟父嘉梅俱有傳由監生選授安徽甯國府照磨會廬山異教以滋事拒捕臬司李世傑檄廷烜按問廷烜馳往先諭以大義眾皆帖息不敢動乃擒治其魁世傑深器重之調

署岳山巡檢興水利除强暴數月而民情悅服尋陳情歸養父歿遂不復出年八十舉鄉飲大賓卒年九十有四府于志循吏

王鑑字硯畬授湖南耒陽縣典史性豪邁有膽隨辰州軍營辦文案嘉慶丙辰夏受瘴卒事 聞

賜祭葬

路賢達

金廷勳字枚臣以大興籍考職除湖北荊門州建陽司巡檢嘉慶

戊午四川教匪竄入建陽廷勳率弓兵禦之大呼直前手刃二騎
賊賊退追至閔家灣賊大股至與弓兵馬夫全忠畢泰黃元等同

死事 聞

賜祭葬給雲騎尉世職襲三次恩騎尉世職罔替入祀府城昭忠祠

路賢達

按王鑑金廷勳宜入忠節傳今仿王志例編列於此

沈廷錦字潛庵少孤以孝事其母生平多善舉邑有大石梁爲前

呂令所建歲久傾圯廷錦慨然倡捐糾眾庀其事邑人德之弟鎔

字寶林樂善好施尤篤友于終其身不析家產時有義門之目

新纂

錢陳字屺吟號湘漁諸生幼喪母陳氏哀毀逾性因名陳以誌慕

焉食貧攻苦博習羣書尤精泰西法中年遊京師考取欽天監天

文生北闈再試不售旋卒年僅三十六著有屺吟草

新纂

平湖縣志

卷十八

人物 列傳四

五十八

張誥字士周號耜洲監生慷慨尚氣節與人交不設城府人有過
輒面斥之然謀必盡忠故人稱長者邑令某暴征於民民患苦之
會制軍至省垣誥與同志八人投訟牒焉邑令懼陷以金不受令
偵知八人者倚誥爲重遣人以利害說之誥終不爲動訊之日制
軍問誥欲何爲誥曰誥非爲己欲使一邑士民皆及於寬政制軍
曰義哉撤邑令任而懲其吏胥時有尚義張君之目自省垣歸鬚
髮盡白晚卜居耜洲山莊賦詩飲酒優遊自得見者目爲神仙中

人著有耜洲詩鈔十卷

府于志
介節

張論字邦華號春農增貢生候選訓導性純孝遭父喪三年不離

苦次母在堂終身不遠遊相國吳璥雅重其人欲爲援例納粟以

母老辭與屈何煥明經交厚花晨月夕對局手談何煥卒作廢弈

圖以見意有知人鑑漕督朱爲弼未遇時早以大器目之年七十
五卒著有春農草堂文集於斯軒詩存新纂

徐輝字重甫敦內行居父母喪麻衣哭泣三年不離苦次喜讀書

藏書甚富嘗手鈔周易歷引諸大儒經說疏解之道光辛巳舉鄉

飲大賓不赴旋卒

當湖外志

沈步蟾字瀛元號杏園歲貢生工於文試輒高等然鄉闈終黜性

孝友兄子成家燬於火成旋卒步蟾迎寡嫂及孀媳同居家計悉

爲經理尤精岐黃術人就診者雖盛寒暑無倦色貧者並贈以藥

資焉卒年八十一

新纂

沈上垣字映梧諸生性沖淡好學不倦晚年杜門却掃著書自娛

府于志
介節

平湖縣志

卷十八

人物
列傳四

五十九

沈斯字吾斯號髮疑性孝友母馮疾劇焚香告天願減己算以益

母壽復刲股煎藥以進疾頓瘳子欽文字蘋湘副貢生敦品勵學

歲科試列高等者十三次士林重之

新纂

嚴恕字心如號梅圃增廣生家貧課徒自給遇後進必多方誘掖

使之成立故問字者樂造其門性孤高一介不與取年七十餘卒

新纂

周用錫字晉園副貢生歷署兩淮板浦豐利場鹽大使時鹽務弊

端百出用錫先後署事釐清積弊邃于經學著有尙書證義公穀

正義

府于志
宦績

徐應潮字渭揚號夢春個儻有奇氣而襟懷坦直居西郭矮屋數

椽座上客常滿年將五十無所遇欲謝去郡諸生籍學使山陽汪

文端適至奇其文拔置前列食餼後有某氏者故阜隸也府縣錄送其子弟將與於試應潮持不畫諾某學使婉言諭之則抗聲曰生廩可革手不可畫也卒不畫應潮於五行堪輿岐黃家言無不通習尤信釋典持論故不能無頗云

新纂

時德潛字應天號默庵邑庠生性仁厚叔父鎬好施予嘗出粟賑饑當道有惠周桑梓之獎後病歿乏嗣德潛遵例兼祧越十年鎬妻楊亦歿遺田四百餘畝族有覬覦者因割其半爲外祖祭葬費及兩妹奩贈資而以其半贍族焉人咸以孝友稱之子樞有傳

新纂

何世榮字振威嘉慶戊辰舉人歷任青田富陽教職嘗捐俸修學歲饑捧檄辦賑親自查給使貧戶得沾實惠尋歿於任

府于志
宦績

錢維楨字心園附貢生父歿時王父母年已高遇督責必長跪請

平湖縣志

卷十八

人物 列傳四

六十

罪有母弟不善治生偶有匱乏卽堅臥不起維楨委曲爲之彌縫且不使王父母知也其孝友如此友人俞古水懷才不遇家貧不能舉火時周其急不稍吝人尤以長者稱之

新纂

胡德煥字嘯雲歲貢生善於教導遊其門者掇芹香如拾芥性和易近人不立崖岸晚歲家境益艱絕不見於辭色年七十餘卒

新纂

陸林字翰爲號墨溪庠生性沈靜寡言笑衣冠古樸與人交不爲翕翕熱家塾授經必手自鈔錄竟以貧卒

新纂

屈茂蓀字薌畦庠生少有文譽爲同里張誠所器重家故貧課徒自給而程督極嚴故門下多知名士侍講張金鏞昆季皆其高足也晚年不求榮進足不踏省門幾有山林之趣焉

新纂

王思高字繼先家貧溷迹掾吏修飭內行同產十人咸友愛尤虔

事伯兄遇督責雖老必俯聽嗜書史醉輒傾倒所蓄性不諧俗人迂之勿顧也時挈子大經謁陸清獻祠端蒙養比長令遊方垆門講求讀書爲己之要詒謀盡善以子大經貴 贈榮祿大夫

府許志纂

周克敏字慎行號藕塘監生少習舉子業以父年高遂襄家政未幾家益裕遂建宗祠置祀田道光癸未己酉邑兩遭大水俱捐貲助賑夏施藥冬施衣陸家橋座埋局鄉間義塚皆首先倡捐英夷粵匪之變捐助糧餉年七十一卒子庭桂增貢生任臨海縣訓導歷署天台教諭訓導勤於誘掖士林稱之

新纂

孫增字步漁號恢能監生捐刑部司獄籤掣第一不赴性剛直嘗爲戚族排難解紛衆皆服焉年六十二卒著有步漁詩稿以子蘭

谷貴 贈中憲大夫

新纂

平湖縣志

卷十八

人物 列傳四

六十一

徐麟字柳堂太學生援例除順天宛平齊家莊巡檢地窮僻民不知學爰葺古寺以爲義學分寺田以贍膏火而民始脩文旋調武清縣河西務巡檢時永定河尾閘數爲邑患力請大府濬河增築鳳河隄延袤數十里水患始息戊申霪雨爲災勸民捐資煮粥以賑庚戌陞豐潤縣主簿咸豐癸丑粵逆擾天津距縣甚近乃集眾守城數月不懈城賴以完旋丁母憂歸庚申粵逆陷平湖募勇衛其鄉里賊不敢犯竟以憂憤成疾卒

新纂

崔灝字雲程候選直隸州州同質直勤儉好施與夏藥冬衣歲以爲常道光壬寅海氛不靖饑民攘奪者接踵灝獨惻然曰此蚩蚩者非敢玩法實迫於救死耳亟傾困以濟保全甚眾同治辛未以

五世一堂

恩賞如例年八十七卒子廷琛字吟珊增貢生候選訓導事父先意承志
老而彌篤生平厚以待人謙以持已凡親戚鄉里之貧乏者周急
不吝晚歲以詩酒自娛著有譜華吟館詩鈔年七十八卒新纂
徐金生原名金聲字振甫號蓮峯郡廩生少孤力學與從弟金泰
齊名有雙丁二陸之目家貧事母孝恆以脩脯供甘旨昏定晨省
歷久彌勤性方嚴不苟言笑課徒詳整有法故遊其門者擷芹如
拾芥十戰秋闈屢薦而終不得志年四十六得咯血症遂卒以子

光 贈奉政大夫

新纂

錢崙源字仲澄號小園以廩貢授台州府學訓導有兩生因墓地
涉訟理屈者進千金爲息訟費力却之旋署烏程教諭時軍需孔
亟大吏檄令催捐崙源具酒食邀諸生諭以大義不旬日而集事

平湖縣志

卷十八

人物 列傳四

六十二

道光己酉邑大水慨捐數百金以賑並力爲勸募晝夜持籌歷五
月而罷人咸德之著有史論兩卷經義遺珠一卷新纂

屈欽鄰字橘齋號純甫道光丁酉舉人甲辰大挑以教諭用素有
文名爲邑宰胡述文所器重少孤事母孝試禮部後卽返里門恐
定省或疏也從弟妹之未婚嫁者分館穀以成其事人以長厚稱
之新纂

姚轡均號柳隱道光己亥舉人選授天台教諭咸豐辛酉粵逆擾
天台轡均親歷隘口令士民防守終藉民團之力克復縣城天台
山多田少民恆病饑爰議建社倉積穀至萬五千石民賴以濟他
如建嬰局清寺產創書院脩學宮皆力請上官籌款歲事同治丙
寅臨海張建垣抗糧一案株連甚多轡均權臨學篆無辜得釋旋

陞湖州府學教授年七十七卒於任

新纂

奚景松字良材號肖嚴知縣澄子道光己亥舉人旋以襄辦軍務保舉知縣未赴選家居授徒以敦品立行相勗性純厚手足之間友愛倍至戚族之貧困者分館穀給之生平專心治經故於經學源流無不洞悉晚年主講當湖書院肄業者多所成就卒年七十六子耀宗字己生諸生少穎悟甫十齡已徧誦十三經咸豐辛亥鄉試文已入選旋以微疵被黜粵匪之亂歿於難

新纂

顧廣倫字用康號春巖善作文少時偕其昆弟文場角逐互列前茅文名遂鵲起領道光甲辰鄉薦終不得志於春闈晚年閉戶潛修塵氛悉滌主講新溪書院卒年七十有二著有鉤股提要

新纂

陸潢字孔愉號松坪郡廩生性廉直嘗面斥人過不諱一介不與

平湖縣志

卷十八

人物 列傳四

六十二

取布衣徒步自得也粵匪平後確訪忠義節烈彙爲一編使後之修志者有所采擇卒後教諭山陰嚴嘉榮輓以聯云氣數難延仁者壽性情猶見古之矜可以知其概矣

新纂

高賜忠號小春邑增生家赤貧筆耕供菽水事雙親盡其歡課幼弟成立友愛無間言弟賜孝號萊堂同治丁卯舉人孝弟性成兄歿後撫猶子若己出居恆踐履篤誠均爲邑人士矜式

府許志

葛肇基字壽芝山西大同參將元之元孫少孤貧以勤苦起家事母孝撫弟妹厚性慷慨好施與如濟貧窮以米座無主之棺修橋梁平道塗凡可利人者靡不樂爲之而尤以敦本爲重創宗祠置義莊購田二千餘畝以贍族人咸以長者稱之以子金煨貴 封

中議大夫

新纂

沈壽祺字攀香號夢覺未晬而孤祖步蟾憐其慧授以經史過目不忘弱冠卽有聲譽序然終不得志於鄉闈僅以增貢生終焉性至孝咸豐辛酉賊擾東鄉壽祺聞警負母出走倉皇不得渡蜷伏麥叢露宿達旦旋遭母喪雖當寇亂未嘗稍殺其禮分纂邑志昕夕編摩多所訂正晚年葺宗祠贖祀田欲重修家乘以經費太鉅不果遺命其子宗樸籌款重修生平正直自持里鄙咸所敬畏卒年七十有一

新纂

朱知極字似春庠生兄弟四人伯仲季均早逝家貧力學屢薦不售咸豐庚申城陷賊百端脅之終不屈賊平後仲季兩棺權厝南郊屋毀將謀改葬而鄰棺百餘縱橫暴露訪之皆無主者遂請於有司竭資合葬至今新橋北成危冢焉知極生平無疾言遽色授

平湖縣志

卷十八

人物 列傳四

六十四

徒三十餘年尤以敦行立品爲先鄉里重之

新纂

徐山以縫衣爲業事母孝母病危甚刲臂肉進病立愈閱數年又病復如之庚申城陷負母自賊中出崎嶇兵間得無恙方賊至時積財兩甕以一甕給兄兒賴以濟同治元年餓死

府許志

鍾炳字文照號宏淵性孝友居母喪一以朱子爲法置田宅與諸弟共之諸弟有過失輒深自引咎涕泣不食俟其悔乃已

新纂

徐觀治字秋帆邑庠生敦孝友尙廉謹咸豐庚申邑城陷賊焚掠其家觀治貧不能遠徙乃酤酒以養父或勸從賊輒曰吾無能餓死我分也卒不從有戚某窖金於其室中僕乘間攫去某以匿金誣觀治大肆凌辱無以自明憤鬱死後僕出售所攫金事乃白其

耐苦忍辱如此

新纂

謝斌偉原名元熙字旻梧號堯卿增貢生廣西右江道榮照弟思慮深沈有豪俠氣咸豐間籌修當湖第一橋及鏡漪堂竭意經營舊觀頓壯兵燹後接辦邑中善後事宜凡有修築必規大體如崇聖祠龍王廟武聖廟顯忠廟煥然一新至城廂內外傾圮橋梁興修者不下二十餘處人咸德之

新纂

何晉松字茂承號鶴巢監生爲季父爾明後事母吳暨嗣母葉周旋色養無纖毫異幼習業乍川藥肆父適客授病目必晨省舐以舌始歸供厥職比長服賈雲間同業袁某臨歿寄孥雖避寇必挈以俱少失學唯四子書童習能記憶終身虔誦之崇尚節義尤天性少成

府許志

錢炳奎字肇祥號蔚也祖亮孫同治丁卯舉人少好讀宋人性理

平湖縣志

卷十八

人物 列傳四

六十五

書後遊於同里顧廣譽之門學益進性剛直東湖舊屬陸清獻祠兵燹後湖濱新淤漸爲民佔炳奎糾其同志力陳當道卒收淤歸祠又與庠生時元勳監生戈爲鵬講明文廟丁祭禮樂園橋觀聽一時稱盛卒年僅三十七

新纂

方技

按垂弓和矢一技成名皆足千古邑未析時宋李甲以畫見賞東坡甲亦能詩明過澤充詩古文詞不敵其書法之

明

陸鑾字克和七歲能詩歌廣州知府沈琮見而奇之以其弟御史

肆女妻焉成化間以善書徵授鴻臚寺序班五奉使皆稱旨

程藝術朱

方技高方技張方技王方技

朱端曾和端字克正後所人正德間以畫士直仁智殿授指揮俸

賜一樵圖書遂號一樵畫宗馬遠呂紀居京師甚為時所重和乍

浦所人亦以畫士直仁智殿筆法甚高惜早歿二人少時貧甚業

樵漁時天妃宮未建名一片石端嘗於石上或沙上作白描勢忽

一日在山間遇一異人問曰汝欲作畫耶吾授汝筆和亦跪而乞

平湖縣志

卷十八

人物 列傳四

六十六

亦出一筆嚙其穎以授忽不見後兩人用筆隨意皆殊絕

按朱端後無繼

者曾和後有曾軒輅少攻舉子業棄去學醫兼善河洛理數既工畫李天植輯九山志屬畫九峯圖稱其天機磅礴登作者之堂云

程藝術朱方技高方技張方技王方技

陳啓雲世業醫嘉靖時倭寇內犯泊舟於乍謀深入多病疫者其

酋索醫得啓雲始至不肯診治臨以兵則曰若母深入我為療治

酋許諾要之誓而處之方俾煎數十鍋病者牛飲之不數劑病皆

已酉大喜揚帆去

乍浦備志方技

孫官字德懋嘉靖時人能為古文辭楷法甚遒勁大字亦雄俊有

神采

王方技

林鳳華字子夏號丹壺居士萬曆時人精楷法在右軍大令間

王方技

技

魯烈字懷陽文謚十世孫少好學尤愛讀太元遂取元而揲以三得減之七次減其疾損其卹仰天曰古人所謂不爲宰相則爲良醫元其以贊告乎後浮沈諸生以貢授澧州博士每於講業外劇譚長桑君術起人膏盲多奇中百餘歲卒

朱方技高方技張方技王方技

姚井精於醫理尤工鍼灸活人甚衆戚里不能婚葬輒捐資助之晚歲家稍落然好施不倦

程尙義朱方技高方技張方技王方技

陳鼎正嘉間人讀書慕古不遇以琴自娛遂擅其勝因自號友琴

嘗攜黃色古琴遇山水佳勝處輒於膝間撫弄意致軒然

程藝術朱方技

高方技張方技王方技

陸金字雲峯精岐黃術濟人立效自華亭徙湖每旦啓戶病者鱗集次其入門先後以爲切脈序予二道光道充道光號明暘精幼

平湖縣志

卷十八

人物 列傳四

六十七

科一兒食果多病脹氣急取桂麝瑞香三味爲丸一服立愈衆醫問之道光曰獨不聞果得麝則落木得桂則枯瑞香爲百花妒乎一兒染奇症四肢堅不可屈道光曰此非藥可療舉傘覆之繞牀焚安息四圍設爐焚沈檀兒卽平復少間又發隨屑沈香飲之而瘳道充號賓暘諸生亦精醫人稱二難有陸氏金鏡錄行世道光子從諭道充子從誥有傳

程藝術朱方技高方技張方技王方技

唐守元號吾春璜溪人贅於陸因傳其業一婦人偶食羊甫入口聞呼遽吞而應逾月病發舉家莫測婦亦忘之淹及兩年守元曰此必胸有宿物家人曰兩年不食安得宿物曰試以我藥投之既而大吐痰塊中裏羊肉一臠也疾遂愈張以純素患角弓反張曰此名瘞症一劑而復袁化祝氏兒患痘遍身血迸無罅守元搗藥

塗其身滲藥鋪裯褥上捲起倒豎牀前合家啼駭叱曰若輩弗啼
此名蛇殼痘氣必用逆乃得脫已而皮膚解裂如蛇蛻然新帶顧
氏男痘後目瞽守元曰惜我見之晚當先開一目俟三年後可俱
復明果驗著有醫鑑醫林繩墨後金鏡錄程藝術朱方技高方
技張方技王方技
吳悅字三峯少讀書明敏邁危疾遂精岐黃術爲東南名醫徵爲
太醫院使在京邸全活甚衆熹宗三賜金幣程藝術朱方技高方
技張方技王方技
徐桂菴以字行華亭人善養生僑居當湖以刀圭活人子光瑞孫
如璧光瑞字樂菴少攻制藝精易理累試不售乃出桂菴遺書讀
之所治多神驗與沈司業懋孝爲世交如璧亦能傳其業朱方技
高方技

張寓賢
王方技

張軫字漢聚精痘疹率以意爲治多奇驗所至兒童竹馬迎之性

平湖縣志

卷十八

人物 列傳四

六十八

好施親舊賴其資助

張方技
王方技

陸堯化字和卿以讀書得羸疾遂放懷山水几案間布置盆景做

名家筆意尤工於琴所著琵琶行白頭吟蘭亭秋興答蘇武書別

恨二賦凡百餘譜皆矜慎不傳

程儒林朱方技高方
技張方技王方技

徐同亨字介如性沈靜工制藝不遇書法得董文敏之神人莫能

辨然不輕與人書傳者絕少

朱方技高方技
張方技王方技

俞恩堯字二酉諸生負才尚俠書法酷似董文敏文敏欲致之笑

曰予肯作董氏客耶不赴有五如逸稿

朱方技高方技
張方技王方技

馬德澄字若水童年膂力絕人善騎射精篆刻書畫諸藝家貧落

魄自號雪林山樵著有摩尼集

朱方技高方技
張方技王方技

計治安字明長貢生爲文古雋善書工山水然不輕應人心計聰

敏於奇門遁甲諸書獨窺其要

朱方技高方技
張方技王方技

國朝

過澤充字涵輝號滄谷府丞庭訓孫紫髯偉軀落拓自放家貧徙居村落徒步往來馮秉恭嘗戲之曰公一歲中滇黔萬里矣工詩古文辭尤善書嗜酒草聖師右軍大令行楷得顏平原神骨請書者必置飲酒半援毫揮灑便面側理縱橫几案或作大書淋漓四壁醉後偶不當意輒狂呼罵座更喜談謔詞辯風生身後親故讌集曰今夕使髯在不虞寂寞矣後竟貧死於西林僧舍卒之前一日題壁云世中煩熱愛薛少府之神遊波底清涼了莊漆園之大夢遺藁散落惟存棠谿倡和詩

朱方技高方技
張方技王方技

沈信字驚濤諸生好擊劔工草書甲申後棄舉子業築舍城南顏

平湖縣志

卷十八

人物 列傳四

六十九

曰借園示寓形字內之旨著贈言集借園詩鈔

張方技
王方技

沈禧昌字上錫邑生善書兼工蘭竹有逸致

朱方技高方技
張方技王方技

戈中顏字右度工篆書精印章為時所稱

朱方技高方技
張方技王方技

胡右宏字仲袁少餽於庠工制藝與兄右寅齊名善書畫篆刻皆

有神韻

朱方技高方技
張方技王方技

陸二龍字伯驤少習春秋舉子業後舍去從武林秦心卿遊精於

墨妙合北苑石門而化之尺幅懸壁間烟雲滃然題跋皆信手揮

寫自然入雅

朱方技高方技
張方技王方技

張培字抱一諸生有文譽性澹泊中年無子遂以醫自顯精痘疹

雖貧苦者不避風雨趨視也善寫山水時攜好友往來天目笠澤

間自號畫禪疾革前悉取平生名畫書籍古玩器召諸好友分贈

之罄橐中金散諸蘭若翛然而逝

張方技 王方技 高方技

張坦字怡度工翰墨從雲間沈士充遊盡得其法而細入過之有
幽風桃源諸圖爲時所珍子篆亦工花鳥

張方技 王方技 高方技

沈松年字季申工山水篆刻圖章皆自鑄古鈕每製一方人輒攫

之去

張方技 王方技 高方技

韓鏞字劒光邑生家有池亭日與酒人墨客徜徉嘯歌能詩善山

水法梅道人

張方技 王方技 高方技

吳龍章字雲蒸髻年好學精堪輿術父母早逝遺弟麟章未週歲
撫育婚娶皆龍章力也妻賈氏中年卒誓不再娶

張方技 王方技 高方技

陸森立字中卿號嵩石監生明湖廣按察使鑿孫長身好讀書工
寫山水吟不甚富而清婉有致卒年三十九子掞卓字蘊崑亦高

平湖縣志

卷十八

人物 列傳四

七十

尙能詩工書遷嘉興

張方技 王方技

胡澹字飛濤號晚山諸生初就傅便學作畫師弗能禁也樵李頂
氏書畫最富澹故項外孫因恣觀摹倣點渲蟲魚花鳥時稱仙筆
性耿介貴人以金帛乞畫多拒之題款故作離奇勢曰恐人亂我

眞耳孫璞字振齋能世家學

張方技 王方技

沈學鑿字元望幼孤耿介自喜不因人熱能識秦漢字擅鐵筆遊
雲間吳門爭授館餐衍聖公孔廣榮見其所作介友人貽書招之
謝不赴特索印譜去爲之敘村居訓蒙自號負暄道人

張方技 王方技

楊泰基字瞻岳號海農皴法宗馬遠蒼古簡淡都用秃筆尤工指

頭畫

張方技 王方技

曹銘字功壽號嚴菴庠生少工畫倩人書款人厭之因棄畫專習

八法遂以能書名

張方技
王方技

錢珍字遇章善水墨花鳥落筆生動得天然意趣

張方技
王方技

朱軾字棠蔭諸生工詩文書畫得米襄陽董華亭筆意

張方技
王方技

陳紹發字筠亭庠生工八法得屋漏痕折釵股遺意戒石碑其筆

蹟也

張方技
王方技

金應泰字元音善大小楷書有鐵畫銀鉤之妙與陳紹發齊名

張方

技王
方技

陸如金字其相庠生性謹厚與楊之醇交之醇亟稱其人工詩文

尤擅八法數十年求書者接踵幾有鐵門限之目

張方技
王方技

張廷章字文江庠生操行方嚴承祖業爲醫活人無算手評醫書數十種最傳頌者救偏瑣言眉批及痘客解實發前人所未發子

平湖縣志

卷十八

人物
列傳四

七十一

師敬字懷九庠生師厚字欽渠太學生俱以幼科傳師英字書鳳

歲貢生以方脈著亦皆名重一時

路技
術

戈朝榮字瑞齋庠生精岐黃尤長於幼科羣醫所不能療者治之立效亦不伐功乾隆戊辰大疫傾囊製藥以施全活無算爲人謙

謹和易好善樂施嘗捐地建

關帝廟

路技
術

陳師黃字玉石質癯弱而氣好凌人工刻印然不肯輕作其刻章必深剗其底光滑如鑑嘗目工印章者曰爾輩持刀將以削人指

甲耶其傲慢自矜如此

路技
術

陸宙种字步衡號漁六貴州糧驛參政祚蕃孫戶部主事鼎揆季子家世貴顯不樂仕進善畫金碧山水花鳥則近陳白陽兼工人物性落拓不羈求者無弗應嘗館松江張文敏照家其戚也每畫

照輒爲題詞人稱雙絕晚歲好遊繪事益進有題畫詩稿惜多散

佚不傳路志

戈守智字達夫諸生工書兼善吟咏嘗遊邗江漢陽遇碑碣輒手

自摩拓歸而度諸樓榜之曰帖海著漢谿書法通解八卷漢谿偕

存集邗江雜咏入楚吟紫琅小草府于志方技

徐曰嚴字慎齋以醫行世窮鄉僻壤足跡恆徧不以寒暑間其有

貧甚者輒解囊以供藥餌路篤行

何清字茗菴性和厚束身名教樂善好施工於繪事爲秀水張庚

高弟乞畫者非其人不與也路篤行

戴陞字六階號松垞山水蒼古幕遊四十年足迹半天下年近七

旬寄迹吳門求者頗衆乍浦備志方技

平湖縣志

卷十八

人物列傳四

七十一

張世求字繼周監生一應鄉試報罷遂棄舉子業專心六法善山

水宗法元人太倉王宸毛上亥以畫名京師皆與世求訂交晚年

所造清瘦超逸蕭然遠俗路篤行

方樹本字根遂監生平生重然諾所交多名下士善鼓琴蓄書畫

甚富並工於詩著有詠花軒詩稿其弟樹勳字漁山亦工書尤善

畫蘭府于志方技

顧榮字希曾諸生性沈默治金瘡科甚驗有被刃傷而垂斃者醫

之多得活府于志方技

夏鼎字禹金諸生精壬遁之術有客過訪輒預知其姓氏百不失

一府于志方技

潘晨暉字舜明善畫山水花鳥人物落筆生動得天然意趣品在

胡飛濤顧松仙之間

府于志
方技

陸錦雯字醇高自號杏村居士山水師張鳴謙有出藍之譽詩文

修潔不樂仕進

兩浙名
畫記

徐大珩字抱一又號畫禪諸生善山水有文譽疾革前取書畫古

玩分贈良友翛然而逝

兩浙名
畫記

丁琳字貞琳號甘山妙繪事及行楷少承父志述三易生平好接

異人天文地理以至馬杜二氏之學無不精通有香草庵草

兩浙
名畫

記

鮑祖雋字雲林諸生工山水

墨香居
畫識

葉恆字巨峯號東海閒農工詩善書其山水尤擅長得文沈董王

家法性坦率不善治生往來吳越間賣畫以自給一水一石人爭

平湖縣志

卷十八

人物
列傳四

七十三

寶之

府于志
方技

王範字誠之號南村太學生少負異才博通史漢善擘窠書狂草

有綠天菴僧之致工六法尺幅中作花草蟲魚絕似宋元人小品

中年後好鼓琴與海東徐光燦交指法益精北平韓畧所傳於李

延是者有霹靂引一曲先後造就爲時所稱

府許志
藝術

宋景洛字紹程性好術數一切卜筮星命奇門六壬之學無弗研

究尤精於算九章外并明西洋度算旋盲於目所著有九章集成

四五十萬言罕有能讀之者晚年境益貧竟窮餓以死

乍浦備
志方技

朱正俶字簡安性明敏喜讀書尤好研醫理諸家之書無不取覽

而要以黃帝岐伯之言爲折衷治病求其原往往十不失一求診

治者爭趨之

乍浦備
志方技

周保極字彝範號晴川工指頭畫能作山水花鳥而尤精于蟹信手寫來自有生趣性嗜酒好詼諧而不善治生晚年境益貧藉畫

直以自給

乍浦備志方技

劉琴梓字堯音號松聲能詩尤工繪事草蟲花鳥精絕一時晚年

喪子家貧且病日以畫雞應四方之求人皆稱之為劉雞云

乍浦備志

技方

吳元臣字召勳號墨冶精六書學鐵筆蒼古遒勁作惜陰樓印譜

二卷宋景關代為之序又為贊辭墨冶磨大石十六形模不一篆

刻贊辭分兩行直下為對聯參差印作單條橫披挂方踵門求者

麋至乾隆庚戌夏游武陵啖桃過多傷胃致不起年四十有五

九峯

文鈔

平湖縣志

卷十八

人物 列傳四

七十四

陸東山以字行精於弈平湖自三張謝弈道中衰嘉慶中東山崛

起壇坵大江南北幾無與爭白者比歸隱西郭外楓涇費春山數

來對壘猶常不得志而去

蹄涔集纂

張慶善字心淵工篆刻擇世說語樵秦漢印三百成安雅堂印譜

八卷康偉居士沈汝弼為之序

新纂

郭暄字裘愷號合山諸生柔質美丰姿中年善病維摩斗室藥爐

經卷左右紛陳以是精岐黃術求治者踵門焉著有醫學指南詩

筆瀟灑出塵有適意航吟稿

新纂

馮葆光字雪樵太學生為人和雅力敦孝弟手樵古印積久成帙

其精妙處直欲奪過前人有綠野草堂印譜二卷顧廣譽為之序

新纂

徐墉字升階號曉園邑庠生光瑞七世孫世傳岐黃術祖廷和增
廣生博覽羣書旁搜醫家諸說嘗葺一樓讀書其中墉承其家學
殫心研究活人無算年踰八旬猶出爲人診暮歸輒燈下手一編
不釋其精力過人也如此卒年九十一

新纂

顧升字海蘋善畫山水師事石谷得其神髓所師大癡山樵著墨
淹潤神韻天然其蒼茫荒率處尤無一筆涉畫史習後遠游湖海
得江山助以故晚年所造益徵邃密人得其寸縑尺幅莫不珍如

拱璧云

新纂

吳渭山佚其名精岐黃術以吳醫名於世心極虛切脉後不輕下
一方必熟慮深思以處之故所投立效凡羣醫所力能任者或招
之弗應也以非重證爾

新纂

平湖縣志

卷十八

人物 列傳四

七十五

沈志裕字怡庵監生生平重然諾好施與中年習於醫以瘍科著
名凡臨治一證必原其人之血脉經絡骨髓虛實陰陽及受病本
末而又不惜重購良藥以施之故所治輒效焉著有瘍科遺編二

卷

新纂

汪廣平賣卜於城之西市數十年如一日積有餘貲置古今典籍
縱觀之與人交卑以自牧矢口談史事歷歷不爽云

新纂

陸桂字根岳號小山監庄善畫人物如鏡取影無不逼肖山水得
王石谷筆意爲世所珍晚年尤精醫理治疑難症多奏效名噪一
時年六十八卒

新纂

俞銛字芷衫監生精於弈善鼓琴尤嗜琵琶作琵琶譜詩酷摹老

杜時稱城南詩伯著有蹄沔集詩文鈔

當湖外志 纂

許汝敬字迪安號遂庵天姿穎異好鼓琴喜吟咏工書畫花卉得
陳白陽風趣家黃山麓構一小園額曰菊洞天秋時蒔菊百餘本
五色爛爛對花寫照神韻天然無一筆涉畫史習人以許菊稱之
名噪遠近著有菊洞天詩詞草

府許志
藝術

陸修潔字子廉號篠坡工詩文善鐵筆畫山水師石谷子兼擅花
卉家藏有陸清獻文稿墨蹟因名其堂曰寶文以誌仰止名賢之
意著有寶文堂詩集四卷文集一卷

府許志
藝術

僑寓

按前志有僑寓門以紀名賢勝蹟為鄉里增光邑姚桐壽寓廣陳著書垂後因邑未分析畧而不載其後名賢寄迹亦不乏人惟異地移居而子孫世為湖人者則分入各門

明

姚士彝字叔祥海鹽人與胡震亨同里同學以奧博相尚蒐討秦漢以來遺文秘簡撰秘冊彙函若干卷跋尾各為考據具有原委又嘗同輯海鹽圖經時稱博雅馮祭酒夢禎校刻南北諸史俱出其手後復為沈司馬思孝記室與邑人陸澄原友善嘗往來其家吟咏最多兵興後窮餓以死著有見只編蒙吉堂稿

朱流寓高僑寓張寓賢王

璩之璞字君瑕南直華亭人少負奇氣善屬文應童子試江陵何學使置第二之璞曰我固不當冠軍耶遂棄去放情詩酒年三十

平湖縣志

卷十八

人物 列傳四

七十七

餘遊董文敏其昌陳徵君繼儒之門工山水醉後揮灑趣致天然未嘗越于規矩文敏見而歎曰君瑕乃能爾耶五百年後必有識者與邑中陸光宙友善每當初秋徂暑以紫薑青豆置一野航浮遊三泖間終其身

按書畫譜之璞上海人與志傳異朱流寓高僑寓張寓賢王僑寓

葉紹袁字仲韶自稱天寥道人南直吳江人天啟乙丑進士歷任工部監盔甲廠時值軍興製刀劍炮火等器極精備帝覽而悅之旋去官乙酉後避兵平邑居馮氏耘廬未幾歸卒著有櫛塵集子變字星期康熙庚戌進士嘉善籍中式任江南寶應知縣以詩文名于時有已畦詩文集原詩內外篇

按朱志紹袁室沈宜修字宛君女紈紈小鸞皆能詩朱

流寓高僑寓王僑寓

魯得之字孔孫錢塘人天啟崇禎間來遊嘉禾居當湖最久性樸

素不求榮利好學敦行爲李太僕日華入室弟子工寫竹兼歐顏
書法董文敏其昌陳徵君繼儒重其才品方之吳仲圭其題竹詩
有願得人人操大節不虛衰朽寫琅玕之句亦足見其志節矣晚
年右腕病乃用左腕作書畫益飛動倍常日華暨子肇亨嘗有墨
君題語二卷皆題其所畫竹也著有竹史細香居集未刊

朱流寓
高僑寓

張寓賢
王僑寓

李延昱初名彥貞字我生一字期叔後改今名字辰山江南上海
人寓邑之佑聖宮三十年少負逸才以經世自命善談論熟于舊
家典故及諸瑣碎事不得志乃隱于醫受業於季父中梓士材有
延之治疾者數百里必往視疾愈不責報或酬以金卽買書積至
四五十櫃旣寓湖坐臥一樓花香茶熟瀟灑自得四方遊士至必

平湖縣志

卷十八

人物 列傳四

七十八

置酒贈貽接歡而去晚年黃冠草履自稱道者先後生子九人皆

天遂無嗣

張志作
二子誤

年七十疾革適秀水朱彝尊至湖乃出所著南

吳舊話錄暨放鵬亭詩古文集屬之并以所儲書二千五百卷畀
焉其餘平居玩好一瓢一笠一琴一硯悉分贈友朋越二日而卒
遺命弟子用浮屠法盛尸于龕焚其骨座之塔今葬在東湖濱刊
有藥品化義醫學口訣脈訣彙辨痘疹全書行世

高僑寓 張寓
賢 王僑寓

國朝

萬六吉字新孺江西南城人落落不與俗交深得性命旨經書多
所纂述甲申後棄家客遊倘徉山谷間往往無定跡康熙壬寅至
禾郡後寓當湖遇舊識留館于化城菴卒殯菴後

朱流寓 高僑寓
張寓賢 王僑寓

韓畱字經正號石耕順天大興人高僻孤潔能詩善鼓琴爲世絕

調當酒酣耳熱輒拂袖作霹靂引直使山雲怒飛海水起立嘗自言欲學一曲必奉千金以是遂無傳者終身不娶遍遊諸關塞晚年僑居越中康熙間復寓當湖有天樵集按張志畧既卒有閩僧成忍不遠數千里來求

傳其琴知已死哭而去 朱流寓高僑寓張寓賢王僑寓

曾畹字庭聞江西甯都人客秦之甯夏衛以商籍中甲午鄉試性稟兀負奇氣足跡幾遍天下初入浙與秀水陳莢朱志作陳莢交最善

康熙甲寅間關中孫元伯守備乍浦挈家口依之一日入郡偕莢訪沈椒衍于東村椒衍素以俠聞而隱者也入見張目問漢書數則椒衍哂且條答之顧謂莢曰此豈特魯朱家耶即點鬼簿爾我勿若也其誕率類如此居二載徙寓通州卒于旅舍朱流寓高僑寓張寓賢王

平湖縣志

卷十八

人物 列傳四

七十九

葉舒崇字元禮江南吳江人寄籍平湖年十三補弟子員為人英敏博雅美丰儀望之如神仙中人入北雍名噪都下中康熙乙卯順天鄉試丙辰成進士選中書舍人戊午舉博學鴻詞科未試卒嘗注庾子山哀江南賦幾脫稿病發有謝齋詞二卷朱流寓高僑寓張寓賢王

寓僑

許箕字巢友號龐菴海甯人性孤介寓秀水時梅里周箕好結客而箕閉戶獨吟嘗戲語箕曰與爲熟周甯爲冷許既遊當湖交諸名士其留別詩云解將劔挂徐君樹不學袍憐范叔寒書法秀勁乞之無吝色著有抱膝軒詩按構李詩繫作 滕軒詩高僑寓張寓賢王僑寓柏古字斯民號雪耘居近嘉善白牛村因自稱白牛村人寓湖最久能詩善書議論所至信口而談晚年益自放揖耕牛曰是不素

餐者或塗脂粉爲婦人裝曰非此不諧俗甚而佯死驗友人之哭
與否鄉人拊掌呼爲柏癡而不知其意有所託也後喪婦及子女
乃笑曰此天之將成我志矣遂徧訪匡廬天都林屋諸勝欲往而
不返焉未幾卒於湖著雪耘詩集行世

高僑寓張寓
賢王僑寓

翁歷字紀長號逸伶自稱蟄園叟江南華亭人少負才名孤僻傲
睨不合于俗後遷邑中與沈季友爲忘年交詩牌酒盞殆無虛日
文有逸氣論詩尊唐闢宋惜遺稿散佚無傳

高僑寓張寓
賢王僑寓

翁嵩年

高志作
松年

字康飴號蘿軒仁和人少以文章名東南康熙戊

辰進士授戶部主事歷刑部郎中督學廣東矢心慎恪先是學使
者以瓊州在海外檄生童附雷州考試嵩年曰吾豈以一人易千
萬人命乎出入忠信何畏焉竟渡海後著爲令分校禮闈大學士

平湖縣志

卷十八

人物 列傳四

八十

張廷玉刑部尚書勵廷儀皆出其門旣歸甲午秋卜居東湖得沈
氏園栽花種竹築室數椽顏曰村南烟舍每遇花晨月夕與湖中
詩老觴詠留連有村南烟舍詩年八十二卒所著天香書屋稿白

雲山房集友石居集行世

高僑寓張寓
賢王僑寓

王廷燦字孝先號似齋錢塘人康熙辛酉舉人出湯文正斌門歷
任江南崇明吳縣知縣所至多政聲致仕歸橐無餘資挈家居當
湖之陸氏園時翁學使嵩年亦寓湖往來倡和有似齋詩存子延
年字介眉博學洽聞中雍正丙午鄉試官至翰林院侍讀與邑人

馬宣錫馮鈿張雲錦相倡和有東湖移居詩一卷

高僑寓張寓
賢王僑寓

翁元發字繹弓慈谿人遊學來湖遂爲邑諸生試輒冠軍文譽翕
然及門多知名士陸檢討奎勳其一也屢蹶場屋僅以明經歸老

于慈歿年九十五

張寓賢
王僑寓

蔣振鷺字子羽嘉善人祖姑母嫁清溪沈氏自幼往來湖中遂入籍寡言笑博通羣籍詩文俱工敏兼精八法與高編修輿陸檢討奎勳以文章行誼相砥礪雍正甲辰進士選庶吉士授編修庚戌春給假歸里與邑令郜煜善賦詩論文外不干以私有富人訶知使君貴客橐金求先容堅謝勿許時人服其清德

高僑寓張寓
賢王僑寓

黃厚燧字復光號干頃居士松江府學增廣生隨兄徙乍浦性嗜學竟日不釋卷以工書名波磔古雅有魏晉人風格著禹貢尋原又有書貫書權書穀數篇發明六書蘊無子年六十一暴疾卒

張寓

賢王
僑寓

顧原字虎承號松仙會稽人工詩畫別開生面不盡規撫古人畫

平湖縣志

卷十八

人物 列傳四

八十一

竟卽題詩其上終老於湖

張寓賢
王僑寓

余鵬年榜名鵬飛字伯扶號蕊幢懷甯人乾隆丙午順天鄉試舉人詩筆清健劖刻一洗纖軟之習游於浙會同年生李賡芸宰平湖延主當湖書院在院三載訓迪甚勤士亦多所成就其教人始小學而後及經史百家學問賅洽嘗疏一觚字至千餘言他文類如此嘉慶戊午訪舊揚州遽卒著有夢牋詩屋詩七卷牡丹譜一

卷

路寓
賢

鄧夢蛟閩人遷居平湖乍浦鎮遂入籍性剛正喜施與立永興綱為議事所周濟孤寡助客死者之家屬扶襯經費凡諸善舉無不

樂於倡始

府于志
寓賢

陸鳴謙字南村海鹽人其弟出家乍浦懷橘菴鳴謙寓菴終其身

善畫山水林木古趣盎然既沒人珍重之

乍浦備志 寓賢

茅鍾盈字配京號雨人錢塘諸生精岐黃術制方必繩墨古人嘗挾其術以遨遊四方後至乍浦愛其山海雄勝遂終老焉寓居懷橘菴與里中耆舊舉真率之會幅巾杖履觴咏海濱山水間卒年

七十八著有感症集腋二卷已刊行

乍浦備志 寓賢

張起鱗字龍驤號春橋海甯州庠生客於乍以岐黃術行世與茅鍾盈爲耐久交工書法兼善詩文年七十八卒著有晚怡小藁王學素施名國皆海甯人亦以醫術行於乍學素博覽羣書深明脈理治病悉以古方名國善醫時症雅合時宜二人俱爲物望所歸

乍浦備志 寓賢

彭翼乾字侍楓號曉巖海鹽縣增廣生年十九始來館于乍遂家

平湖縣志

卷十八

人物 列傳四

八十二

焉精制藝及詩古文兼工臨池一時攻舉子業如徐大令一鱗朱孝廉志雲等咸折衷焉及門之入庠者不少而韓大令維鏞爲最契年七十四卒惜遺藁散佚不傳

乍浦備志 寓賢

張炎字淡玉海鹽人託業甚微嘗賣餅流寓於邑之清溪日肩爐釜行吟村落間得句就村夫子索筆硯書之餅爲兒童攘竊一空

弗顧也有詠白菊句云老圃月三徑曉霜秋一籬

兩浙輶軒錄

吳鵬字雄飛以籍本浙東號鑑湖讀書不屑爲章句之學嘗自西蜀徧遊秦晉燕趙齊魯間無所遇而歸奉其母居於邑之清溪喜爲詩雄駿之氣直逼盛唐晚年遷居乍浦自稱城西種菜翁與伊杓朱鍾徐熊飛相友善每多唱和卒年七十有四著有鑑湖詩藁

乍浦備志 寓賢

鮑詢字咸吉錢塘籍諸生工詩激宕清純出入宋元尤長於古風
直溯唐作者而登其堂奧秀水諸宮詹錦兩浙詩選采錄尤多著
有吟息軒詩集新纂

徐善遷字楚畹海甯人挾子平之術來遊柘水歲以爲常性耽吟
咏朗朗疏疏如其人品長短句亦瀟灑出塵先是邑人施天苞司
鐸海甯善遷進謁曰門生命理應發在午科後果領嘉慶庚午鄉
薦官天台訓導新纂

姚振家字誠哉歸安人詩入唐宋之室初至湖卽與詩人胡金勝
訂莫逆交尤工書自漢晉以下徧體臨撫無不曲臻其妙餘事精
堪輿而於岐黃頗爲心得邑中遇有危證輒賴以生全焉後挾藝
雲遊不知所終新纂

平湖縣志

卷十八

人物 列傳四

八十三

徐熊飛字渭揚號雪廬湖州武康人嘉慶甲子舉人少孤母教之
成立事母孝客乍浦主講觀海書院生平備歷荼苦益勵志於學
行誼文筆卓然有成其詩矢正音而持雅裁清遠峻潔不移於俗
駢體得齊梁初唐之遺學使阮文達深器之後奉

特旨授翰林院典籍銜亦異數也著有白鵠山房詩文集暨駢體文鈔詩
賦鈔畧前溪風土詞六花詞修竹廬談詩問答春雪亭詩話等集
子金鏡字以人號芸峴道光壬午舉人亦主講觀海書院詩文皆
典贍風華具體白鵠著有山滿樓集湖州府志參
漱芳閣集

王士鍾字際和號性餘監生湖州歸安籍少宗伯以銜之兄也除
江蘇邳北通判升桃北山清外南同知嘉慶年遷居平湖治家甚
嚴閨門之內肅若朝典朔望子弟具衣冠以次謁出則隨行雁行

無稍踰越邑人以爲矜式焉子涑字講泉官廣西河池州知州能書得歐柳法溯字果山渭字竹南亦工書均名重公卿間新纂
沈良字士賢號竹圃嘉興籍候選主簿年少時任俠負氣性愛客所交皆知名士後更折節讀書居郭氏廢園中三十年未嘗出戶遂精於易復研窮術數之學於

御製數理精蘊諸書及九章勾股卜筮壬遁等籍無不博覽觀其會通自成一說具有成書晚悉屏棄耽心禪悅日以經卷自娛著有禪宗

彙鈔四卷新纂

周如春字樾亭武康人 恩貢生就職州判少與徐熊飛孝廉同學相爲畏友長於詩唱和多名下士兼工書法晚歲館於褚涇邵氏因家焉朱爲弼漕督贈以聯云書法直追晉唐上人品當在夷

平湖縣志

卷十八

人物 列傳四

八十四

惠問其見重於先哲如此如春以世醫究心岐黃謂脉訣乃宋人僞托之書非王叔和脉經眞本所著有脉理指掌二卷臨診醫案十卷書法源流考鏡二卷庚村書屋詩文稿二卷年八十五卒新纂

范霽珍字希瑶號若石福建永定人監生年二十八遊於乍愛山海之勝遂家焉生平好義至老彌篤喜作詩古文以清逸爲宗著有松風蘿月軒詩文稿四卷新纂

陳文藻字愚泉海甯人少孤流寓乍川業櫛工以養母弱冠始爲詩得伊杓指授遂益工何司馬太青深重之而性傲岸卒以貧死著有鏡池樓詩鈔八卷新纂